

DISSERTATIO THE
De

PLERO
RIA HIABI IN
REDIVIVUM, CUNC
FUNCTOS VIVIF

Quam
Ex Hiob cap. XIX. ve
fundamentaliter de
&

VIRO PRÆ
Perquam Reverendo, Magni
Excellentiss

DN. JOHANNES

SS. Theolog. D. Ejusdemque Prof. Pub.
Facultatis suæ Seniore, Templi omn
& Consistorii Ecclesiastici Ad

DN. Præceptore, Patrono & H

vanter atatem co

In Incluta VVitteberg

ANNI LABENTIS M.

M. CHRISTOPH. HEN

Hamberga Bro

Ad D. XIII. Oct. In Acr

LITERIS HENC.



THEOLOGICA

De

OPHO.

IN GOELEM

UNCTOSQUE DE-
IVIFICANTEM,

Quam

IX. vers. 25. 26. 27.

aliter declaravit

&

PRÆSIDE

*o, Magnifico, Amplissimo &
ellentissimo,*

INE MEISNERO,

Prof. Publ. undiquaque celebratissimo

mpli omnium Sanctorum Præposito

esiastici Adlesiori gravissimo,

ono & Hospite submisso & obser-

atatem colendo,

Vittebergensi Academia

ENTIS M. DC. LXIII.

HENRIC RUPERTI

erga Bremensis.

et. In Acroaterio Majori.

HENCKELIANIS.

Prodromus.



Afflicto non esse addendam afflictionem suadet non tantum christiana commiseratio & charitas, verum etiam dicitur natura equitas. Susq; de q; nihilominus hac omnia habentes vanis suis pseudomeneute commentis Hiobi ultra miserissima conditionis sortem constituti calamitatem atq; infortunium adaugere non verentur. Ast immane quantum scelus! Pro nefas! Verba clare, optima intentione atq; ex vera animi πνευμα prolata in pessimū & corruptū trahere, torquere & retorquere sensum, nonne ingens & inexcusabilis quadam temeritatis ac audacie nota est? Cujus ut aliquanto manifestis adversarios convincam, brachyologiam instituem, de mente Hiobi. Is, licet ab omnibus amicis derelictus, illusus, animo tentatq; corpore ager esset, ipsa adeoq; mors exitium minari videretur, universalem tamen mortuorum resurrectionem vaticinando, unicam consolationem, omnemq; fiduciam in Christum humani generis Redemptorem collocabat, miseras leniens spe beatifica Dei visionis. Evolent igitur hinc nigrae gallinae nigri filii, qui nigredinem imprimere & sanctae huic sententiae dicam scribere baud erubescunt. Atro carbone notentur & illi, qui christiani, imò orthodoxi videri volunt, & tamen omni studio incogitanter vel (ut verius loquar) petulanter, & quod adhuc magis est, contra propriam conscientiam classicorum dictorum, quibus fidei articulos probare & confirmare solemus, clarum scopum obtenebrare, invertere, imò pervertere allaborant, statuētes cum caecis Judeis, christianae religionis hostibus ἀσπίδοις, ceterisq; ejusdem farinae sectis atq; haereticis Jobum hic agere de liberatione e temporalibus calamitatibus & vindicatione ab afflictissimo illo statu, in quem per diaboli calumniam inciderat. Verum enim verò sit alius mos exponendi scripturas introducat, ut glossae & expositiones sin-

B. Meisne-
r in Disp.
de
Fide Jobi.

*gantur pro arbitrato, nulla tandem manebit certitudo, sed quidvis
ex quovis deducet quidvis, nec habebimus ultra Theologiam sed huma-
ni cerebri figmenta. Proinde non sumus tam temerarii, ut ob quas-
dam adversariorum ratiunculas cedamus protinus, & antiquam
ecclesie expositionem tot seculis defensam deseramus, ne ista novita-
tes paulatim corrumpant fidem puriorem, invehant Hæreticismum,
quando falsa doctrina spargitur, ostium pandant Epicureismo, quan-
do religio parum curatur. Patres sanè Græci & Latini ad unum fere
omnes hoc vaticinium de universali carnis resurrectione exposuere.
Eligamus saltem ex amplissimo eorum choro veritatis confirmanda
gratia unum atq; alterum. Prodeat Augustinus, qui mentem suam
libr. 22. de C. D. c. 29. satis explicavit. Illud, quod ait Job, in carne mea
videbo Dominum, resurrectionem carnis sine dubio propheta-
vit. Hunc sequatur Hieronymus Epist. 103. ad Pammachium: Quid hac,
querit, prophetia manifestius? Nullus tam a peritæ post Christum
quam ipse ante Christum loquitur, sperat resurrectionem, imo
vidit & novit. Quem excipiat Cyrillus Hierosolymitanus Catech. 18.
Quibus adstipulatur Tertull. de resurrectione carnis c. 29. Agmen
claudat Cyprianus in Exposit. Symb. Job mysticis redundans totus
eloquiis evidenter resurrectionem mortuorum prædicit. Ne i-
gitur tanta virtus & ingenua fidei confessio beati hujus Martyris
oblivione eorum, qui nunc sunt, nec reticentia posterorum insepulta
maneret, constituimus apud nos de dicto hoc classico pauca quedam
imprésentiarum pro ingenii nostri modulo in medium proferre.
Totam autem translationem, facilioris methodi gratia, distribuimus in tres
classes, enucleaturi in prima genuinum sensum, vocum item & phrasium na-
tivam indolem; in secunda adversariorum strophas atq; errorum impietatem
refutandum; in tertia demum conscientia dubia proponemus atq; resol-
vemus. Ut autem inceptus hic labor cedat præprimis in divini Nominis glo-
riam, proximi adificationem & studiorum nostrorum promotionem. Numen
altissimum, a quo omne bonum & donum perfectum oritur, supplices se-
quentibus venerabimur verbis:*

O lux beata Trinitas
Et principalis unitas,
Quæ mentis ima perspicis,
Infunde lumen cordibus,

Tuo, DEUS, nati tui
Nos devovemus numini,
Precamur, his à dæmonis,
Nos protegas fallaciis.

Ex

VERBA TEXTUS.

Vers. 25. וְאֵנִי יָדָעְתִּי כִּי אֶחָד וְאֶחָד עָלַי עָפָר יָקוּם :

Vers. 26. וְאֶחָד עָלַי נִקְפְּזוֹת וּמִפֶּשֶׁר אֶחָד אֶחָד :

Vers. 27. אֲנִי אֶחָד לִי וְעֵנִי כֵן וְלֹא יִרָ :
 Συναγωγὰς contentorum dicti Jobai, ubi
 occurrit

Hiobi indubitata fides, quæ fertur in *Objectum*

I. *Generale*, quæ est promissio gratiæ, hoc ipsum attingit, quando dicit. *se certo visurum esse DEUM post resurrectionem.*

II. *Spéciale*, quod est Christus Redemptor, cujus notetur

(1) *Officium*, quod consistit in redimendo.

(2) *Utraque natura*. *Humana*, secundum quam oculis corporeis adspicitur: *Divina*, secundum quam a Jobo vocatur
 אֶחָד :

(3) *Naturarum unio* Jobus Redemptorem ex utraq; natura constantem, quasi una esset persona, introducit.

(4) *Attributa*, qualia sunt *Vita*, *Æternitas*, *Immortalitas*, *Beatitas*.

(5) *Actiones*, ut mortuos in vitam ex morte revocare, exercere victoriam, cujus duplex observetur fructus (α) carnis resurrectionis, (β) Clara & beatifica Dei visio.

CLASSIS I. ANALYTICO-PARAPHRASTICA.

Versic. XXV.

§. I.

וְאֵנִי Et ego. 1. est Conjunctio. Appellatur ab Ebraeis וְאֵנִי
 Vau copulationis. Emphaticè videtur posita hæc particula, ut scilicet Jobus per hanc consensum suum in fide cum reliquis *vel* demonstraret: Et ego scio; *vel* stabiliret sermonem, quem propositurus

rus esset: Certo scio. Qvæ certitudo quoque elucescit partim ex pronomine **אני**. Ego ipse tam certus scio; ac si jam tum expertus & his meis oculis intuitus essem; partim ex sequenti verbo **ידע**, quod omnem dubitationem tollit, & contra firmam ad rem certo exploratam adhærentiam ponit, Gen. 48. 49. Ps. 138. 2. Gen. 22. 12. Minimè igitur abundat hæc vocula, uti quidem censet D. Coccejus l. c. Vulgata & LXX. Interpretes reddunt hoc **Vau** causaliter per **יד** Enim Tremellius & Piscator exponunt per **Qvidem**. Theander noster vertit **Uber** / quasi Jobus respectum habuerit ad afflictiones suas, inquit: Angustia & calamitates acriter me quidem vexant: sed scio Redemptorem meum vivere, qui ex his malis me certo tempore liberaturus est.

§. 2.

ידע Scio. Est prima persona præter. ex rad. **ידע** Scivit, novit, expertus est, animadvertit. Denotat autem non simplicem, sed perfectam & indubitatam rei alicujus scientiam, h. e. cordis fiduciam & **πληροφορίαν** affectus serii à Spir. sancto excitati. Glafs. l. 5. Phil. 5. tr. l. c. i. m. 3. n. 1. p. 13. Scire Jobi igitur hic nihil aliud est, quam credere, uti frequenter id inculcant Philologie è Gen. 15. 13. 2. Sam. 24. 11. & c. Unde quoque enata est regula: Verba notitiæ apud Ebræos non solam **γνώσιν**, sed sæpe etiam affectus & effectus consequentes connotant. Marinus dicit in Lex **ידע** proprie & primario sensus cognitione, post & secundario intellectu cognitione inferre, cum nihil sit in intellectu, quod non prius fuerit in sensu. Alii, quos inter Buxtorff in Lex. statuunt contrarium, dicentes hoc verbum **ידע** propriè esse mentis & intellectus, quandoque etiam sensus. Cum autem hæc discrepantia non magni momenti sit, sufficiat nobis scivisse hanc radicem generaliter accipi de quavis cognitione, siue ea sit sensus, siue mentalis, siue fidelis, quæ alias theologica salutatur, & est, quando fide aliquid intelligimus. Ebr. 11. 3. Videtur Jobum digressum intendere ad verba Bildadi c. 18. 21. quibus ipsi fidem in Redemptorem de Negaturæ crassa alicujus ignorantia & divini Numinis contemptus insimulare non veritus esset. Ut verò Hiob hanc injuriā & falsum crimen removeret, opponit hæc verba: **אני ידעתי** Ego sanè novi & certus sum, scil. cui & quid credere debeam.

§. 3.

Colligimus inde contra Pontificios & in specie contra Bellarm.
l. 1. c. 4. & 7. de justis. inferimus fidem non per ignorantiam vel etiam
dubitationem, sed cum Hiobo per scientiam, omni dubitatione ex-
clusa, definiendam. Animadvertentes hoc atque æqua. iudicii lan-
ce ponderantes Pineda atque Costerus, non potuerunt non agnita
veritate hoc in puncto à nostris stare partibus. Illius verba hæc
sunt: *Fidei cognitio & obscura hæc divinorum scientia, sola beata visione
est claritate inferior, certitudine æqualis, reliquis omnibus aliis scientiis lon-
ge superior atque certior.* Hujus in Enchir. cap. 4. pag. 170. extant:
*Prima fidei proprietas est, quod sit species quædam cognitionis, non minus
atque scientia & opinio* Circa quæ in transcurso notetur discrimen in-
ter δόξαν opinionem, ἐπιστήμην scientiam & πίσιν fidem. Distin-
guuntur enim (1) causis. Opinionem gignunt probabilia argumen-
ta, scientiam apodictica, fidem autem non nisi scripturæ testimo-
nia. (2) Objectis, opinio enim versatur circa dubia, δῆλον ἔστιν respi-
cit certa sed rationi subiecta, fides autem supernaturalia & captum
transcendentia.

§. 4.

Dicit Bellarm. *Mysteria fidei, quæ rationem superant, credimus non
intelligimus, ac per hoc fides distinguitur contra scientiam & melius per
ignorantiam quàm per notitiam definitur.* Resp. (1) contrarium proba-
tur argumento ex textu desumpto: Resurrectio mortuorum à Jobo
scitur. Resurrectio est articulus fidei E. quidam artic. fidei scitur.
(2) disting. inter scientiam Philosophicam & Theologicam. Elar-
gimur Bellarmino τοῦ αἰσθητικοῦ fides non esse scientiam Philosophi-
co & speciali sensu consideratam, inde tamen nondum sequitur.
E. est ἀγνοία seu pura puta ignorantia, cum possit esse γνῶσις quæ-
dam. Nihil enim credo, nisi quod credendum esse & ita se habere
sciam. Proinde incongruè argumentatur à remotione unius speciei
ad remotionem generis. Licet enim fides non sit scientia humana,
potest tamen esse divina, quæ vocatur sapientia Dei 1. Cor. 2. 6. & 7.
(3) accedit ignorantiam inter fidei opposita recenseri Act. 7. 23. & 30.
quomodo igitur potest per eam definiri?

Redemptorem meum. Est particip. ex rad. **לָנָא** Redemit, vindicavit. Inde oritur partic. **לָנָא** Redimens, Redemptor aut vindex, vel propinquus qui jus ac privilegium vindictiarum possidebat & jure necessitudinis & cognationis alterius honorem, statum, injuriam, bona tanquam sua vendicabat. Sic (1) quando propinquus occidebatur, tum hujus sanguinem effusum, quasi is suus esset, jure propinquitatis vendicabat & dicebatur **וַיִּנְדֹּם** **לָנָא** vindex sanguinis Num. 35. 12. (2) quando quis sine liberis moriebatur tum bona & hereditatem desumpti redimebat Lev. 25. 25. (3) quando ex propinqua muliere semen producebat, appellabatur itidem Goel Ruth. 2. 20. & c. 3. 12. Vid. Coccejus l. c.

S. 6.

Alias **וַיִּנְדֹּם** significat etiam redimere, attamen differunt **לָנָא** & **וַיִּנְדֹּם** Illud est nostri assertio, & quod jure, cum nostrum fuerit repetere possumus, adeoque innuit dominium vel possessionem alterius, hoc verò captivitatem & reatum. (2) Possibile est utrobique solutionem pretii intervenire, sed non semper intervenit. (3) Illud in sui recuperatione, hoc in libertate redempti terminatur. Hoc itaque plus est quam illud. Assertio enim facit, ut eum, qui tuus est, apud te sit. Redemptio, ut tuus, si opprimatur, fiat liber. Conf. vers. 9. cum 10. cap. 35. Et. Nec non cum verbo **לָנָא** affinitatem quandam habet **לָנָא** rem alio devolutam ad se revolvit i.e. redemit & in libertatem asseruit.

S. 7.

Quotiescunque in Scriptura S. **לָנָא** Filio DEI tribuitur, toties LXX interpretes reddiderunt per **αὐτῶν, αὐτῶν, αὐτῶν** Hoc in loco habent: **ὁ ἀκούει με μέλων**, qui me solvere debet, sc. sanguine suo à peccato, ira, morte, diabolo & inferno. Unde liquido constat **לָנָא** non significare simplicem Redemptorem, sed potius radicem illam duo maximè notabilia in se continere, ut cognationem Redemptoris & vindicationem interventu **αὐτῶν** seu pretii. In hoc enim significatu Messias proprie vocatur mundi Redemptor, ad quem Patres Vet. Test. toties simul respexerunt, quoties fides in Redemptore fundata & radicata esse dicitur. Propter enim

enim magnas & multas nostras transgressiones sub potestate diaboli captivi tenebamur. Deus autem humani generis misertus volebat hoc sibi rursus asserere & vindicare. Mittebat itaq; Filium suum, ut nostram susciperet carnem & jure propinquitatis à Sathanæ imperio nos liberaret per pretiosum suum tangvinem Eph. 1,7. Cum itaq; Hiob id ex V. T. vaticiniis satis superque pralibasset, in immediatam fidei salvificæ objectum, nempe Goelem suum, Dei & Mariæ Filium, omnem spem, fidemq; unice tutoq; ponendo, ejus meritum in specie sibi applicavit, uni id testatur vocula: *meus*. Ea enim cum similibus solet esse applicatoria & amatoria, quasi Jobus dicere voluisset: Scio Redemptorem, quem ex imis cordis penetralibus amo, quem etiam meum esse certa & indubitata fide cognosco, vivere.

§. 8.

חַי Vivum. Est particip. ex rad. חָיָה, aut, vi mavis, ex rad. חָיָה. Vixit, revixit, revaluit. Avenarius in Lex. pag. 240. apprime notavit חַי vitam exprimere naturalem, simulq; citavit quædam exempla, quæ nonnisi de vita naturali intelligenda veniunt. Differentiam Ebræi quærunť inter חַי & חָי. Illud, dicunt, usui pari de solo vero Deo, hoc de aliis rebus 2. Reg. 7. 7. 1. Sam. 20. 3. 1. Sam. 25. 26. 2. Sam. 15. 21. Apud Ebræos חַי quandoque idem quod recens significat, v.g. חַי רֶכֶשׁוֹתָא caro circa h. e. recens, non putrida Lev. 13. 16. & 14. 5. 1. Sam. 2. 15.

§. 9.

Elicimus ex hac voce Jobum collimasse, (1) ad futuram Redemptoris humanitatem, quæ unice recens dici potest, ut talis emergat sensus: Scio Redemptorem meum recenter quoad humanitatem natum & vivum (qui nuper vixit, nunc verò mortuus est, sicut caro vivens i. e. caro quæ nuper vixit) novissimum super pulverem statuturum i. e. è sepulchro resurrecturum esse. (2) ad Redemptoris divinitatem. Nam qui absolute & formaliter vivens est, solus & unicus Deus est. Is enim vitam habet per se, à se & ex se. Hinc est, quòd sacer codex vitam Dei inter essentialia idiomata referat, unde vivens in eminenti gradu & חַי עֶלְיוֹן, imò solitarie describitur. Sic Gen. 16. 14. C. 24. 62. c. 25. 11. Deut. 5. 26. Esa. 3. 10. Matth. 16. 16. Act. 14. 16. Rom. 9. 26. & reliquis Scripturæ locis soli Deo, tanquam Authori

vitæ, propriè vita tribuitur. Redemptor igitur Jobi non est purus ho-
 mo, sed ipse Deus vivens. (3) ad Redemptoris æternitatem. Non ad
 tempus sed in perpetuum vivit Redemptor. Sicuti enim à parte anti-
 quæ, ita & à parte post vitæ Dei est infinita i.e. vitæ Dei à nullo incipit,
 principio & in nullo terminatur fine, vivitque in seculorum secu-
 la Apoc. 4. 9. Quadrat huc illa jurandi formula in scriptura fre-
 quentata: *Vivit Dominus*. Quæ locutione sempiterna & perpetua
 vitæ Dei indicatur. Summum hoc est Jobi solatium, quo se in ar-
 gumentis erigit, quod scilicet habeat Redemptorem semper existentem sibi-
 que adfidentem, perpetuum & æternum. Sine dubio collimarunt
 huc LXX. Interpretes, qui verterunt: *ἀείνῃ* ὁ θεὸς sine annis h.e. sem-
 per fluens, nunquam desinens, perpetuo durans & æternus est. (4.)
 Ad Redemptoris bonitatem. Deus non tantum formaliter sed etiam
 effectivè & communicativè vivus est. Dat enim vitam naturæ; gra-
 tiam & gloriam, concessam sustentat atque restaurat. Cur enim Judæa
 & Jerusalem vocata est terra viventium Ps. 26. 13. Ps. 141. 6. Ez. 36. 20?
 Nullam sanè aliam ob causam, quàm quod in ea Deus verus & vi-
 vus habitaret, suisque cultoribus vitam & omnigenam prosperita-
 tem conferret. Inde Jobo iterum enascitur solamen hoc: Scio Re-
 demptorem meum vivere vitamque & omnium bonorum Authorem
 & Datorem, imò Fontem & Promptuarium esse, idcirco non de-
 sperabo in meis anxietatibus sed semper expectabo salutem à Do-
 mino, qui me suo tempore vivificabit, quia & meus Redemptor est.
 Notetur Jobum immediate annectere conjunctionem *Vau*, quæ h-
 ic est causalis & idem notat quod ergo, ideo, propterea. Hanc si-
 gnificationem passim obtinet in scriptura Sæc. Genes. 44. 10. & 11. c.
 49. 15. Es. 3. 7. Unde ita rationando concludit Jobus: Si redemptor
 meus, quod ego certò novi, resurrexit & vivit. E. & ego in novissi-
 mo die resurrecturus atque victurus sum Hic Syllogismus cum sit
 compositus in gratiam nonnullorū, qui id fieri non posse censent,
 ad formam categoricam seu simplicem *ἀπὸ τοῦ ἀπὸ τοῦ* & occasiona-
 liter reducemus, præsupponentes (α) diversissimam esse rationem
 inter veros Syllogismos: & scopas dissolutas. Compositi syllogi-
 smi, si boni sunt, tribus saltem constant terminis. Poterunt itaque re-
 duci juxta regulas figurarum. (β) Licetum esse propositionis ro-
 borationem majoris evidentia causa addere. Nam Logicus non ad

phōnata more Grammaticorum adstrictus est, sed ad *voñmata*. (γ)
 Verba posse augeri & substitui alia, dummodo sensus maneat sal-
 vus & integer. Hisce præmissis reducimus illam, qui sub manibus
 est, Syllogismum, adjiciendo probationem majoris, quia Christus
 est caput piorum, & ita colligimus: Quorum caput resurrexit & vi-
 vit, illi quoque; resurgent & vivent. Pii sunt quorum caput &c. E. Ex-
 cipiat quis majorem posse in dubium trahi &c. (1) nihil ad nos, sufficit
 quod Syllogismum Hiobi compositum ad formam simplicem re-
 duxerimus (2.) qui majorem negat, contra Sp. S. loquitur (3) facili ne-
 gotio potest probari exinde, quod caput non possit esse sine mem-
 bris. Si igitur caput resurrexit, membra quoque; illius capitis resur-
 gent. Dicat quis, quid fiet de impiis, qui non habent Christum caput,
 an illi resurgent? Resp. (1) Jobum hic universalem mortuorum re-
 surrectionem asserere, licet diversimode. Pii enim resurgent vi me-
 riti Christi & intrabunt cœlestia gaudia atque; beatifica visione per-
 fruuntur. Impii contra vi justitiæ divinæ vindictivæ resurgent in
 majorem pœnam atque; vehementiorem ignominiam. Vid. Magnif.
 Dn. D. Præsidis in Fasciculo Dispp. Theol. Disput. ultima de Resur-
 rectione impiorum, in qua pro more solito acutè contra Calvinum,
 & Calvinianos, Parzum, Martyrem, Gualterum, Fr. Junium, Scarpi-
 um agit (2) addi potest similiter probatio majoris, quia Christus est
 Dominus impiorum, & ita argumentamur: Quorum Dominus re-
 surrexit, illi resurgent. Impii sunt, quorum &c. E. (4) ad Redemptoris
 resurrectionem. Super pulverem enim stetit, ut Dux vitæ & Debel-
 lator mortis, adeoque; propria virtute resurrexit, quod opus est soli-
 us Dei, non alicujus hominis quæ talis. Conf. Joh. 2. 29. it. c. 10. 8 Rege-
 runt Photiniani ex Act. 2. 33. it. c. 3. 15. & 26 Eph. 2. 20. Pater filium sus-
 citavit. E. non propria virtute resurrexit. Resp. Unius positio non
 est alterius exclusio. Opera enim Trinitatis ad extra sunt indivisa.
 (2) Pater suscitavit Filium per ipsum tanquam per aliam personam,
 ejusdem potentia, essentia atque; gloriæ cum seipso. Nam omnia quæ
 Pater facit, ea similiter & Filius Joh. 5. 19. Mirari forsitan subeat, cur
 Jobus in præsentî dicat: Scio Redemptorem vivum esse h. e. resurre-
 xisse, cum tamen nondum erat mortuus, quod testatur etiam Hie-
 ron. in Epist. 51. ad Pammach. *Nec dum mortuus erat Christus Dominus,*
& Athleta ecclesiæ (Jobus) Redemptorem suum videbat ab inferis resurren-

tem. Verum sciendum apud Ebræos infrequentem non esse permutationem futuri & præteriti, & Jobum simul ad futurum respectum habuisse, produnt verba in textu sequentia. Hæc igitur summa est fidei Jobæ: Ego scio, firmiter credo, liberaque voce profiteor, Christum Jesum Redemptorem meum esse verum & viventem Deum, immortalem, æternum, semperque beatum & vitæ auctorem, qui in tempore secundum assumptam humanam naturam moriturus, vicissim potenter resurget & vivet in æternum. Vid. B. Meisn. Disp. de Fide Jobi.

§. 10.

וְאַחֲרָיו Et novissimus, postremus, ultimus. Est nomen mascul. à rad. אָחַל Tardavit, moratus est distulit, venit post, seu posteriora vit. Unde descendit אַחֲרָיו postremo ultimo. Cum LXX in aliis locis soleant hanc vocem exprimere per *ἔτι* vel *ἔχαρ*, miror sane cur in hoc dicto planè omiserint. In versione Pagnini adverbialiter legitur *novissimo*. B. Luth. quoque adverbialiter interpretatus est. Chaldaus, *Post hac*. Nomina enim sæpè adverbialiter sumuntur & planè adverbiascunt. Potest etiam hæc vox posita esse pro בְּאַחֲרָיו in novissimo, scilicet die. Quo tendit etiam versio Gallica D. Deodati: *Au dernier jour, in ultimo die.*

§. 11.

Petr. Martyr. cl. 3. LL. CC. c. 15. p. 697. dictionem אַחֲרָיו non solum de tempore, sed etiam de Christo Redemptore vult intellectam, dicens idem hic valere quod perfectum, quasi Job dixisset, Non datus est hominibus præter Christum alius Redemptor, à quo salus expectanda, sed is est extremus & perfectus, licet non nesciam, quod multi hæctenus, partiarum & imperfecti fuerint redemptores. Quod hanc exegesis attinet, fatemur nos eandem non adeò improbare posse, quia in analogiam fidei non impingit, interim tamen sensus ille à litera textus est alienus. Nec video sanè, si אַחֲרָיו sumatur pro extremo vel perfecto, qui verba illa, super pulverem stabit, commodè verti possint?

§. 12.

עָלָה Super vel supra. Est præposit. ex rad. עָלָה, Scandit vel ascendit. Plures habet hæc particula significationes, quas qui scire avet,

avet, adeat Cl. Buxtorff. Lex. pag. 547. LXX. Verterunt *תל* Chald. *super*. Vulgata de. Lutherus *quod*.

§. 13.

עפר Est nomen masculin. significans idem quod pulvis, terra. Hinc LXX. *תל* *עפר*. Chald. Paraphrastes has voces *עפר-תל* reddit, *super me*, ita ut ipse Jobus intelligatur, qui pulvis & terra cum cæteris hominibus sit. Alia, præter hanc, versionis hujus non facile dabitur ratio.

§. 14.

יָקִים stabit, suscitabit. Est tertia pers. Fut. in Kal. rad. *קום* surrexit, ex surrexit, stetit, substitit. Quam vis maximam partem & communiter hæc radix accipiatur intransitive, tamen transitive usurpatur quoque Amos. 7. 2. & 6. *מִי יָקִים יַעֲקֹב*. Qvis eriget seu suscitabit Jacob, quia parvus est? Marino & Coccejo hæc non sunt ad palatum. Proinde hic monet, præsen. ē locum verti debere, *quis stabit Jacob? quia parvulus est*, h. e. quomodo stabit? Sic Esa. 51. 19. *אֲנִי אֶנְחֹלֵם* qvis consolabor te, i. e. quomodo consolabor te. Rationes annectit duas & obvertit (1) Esse contra usum scripturæ, si *יָקִים* stabit, per *יָקִים* suscitabit explicetur & Kal cum Hiphil confundatur. Resp. (1) Est *καὶ ἐν ὁμοίᾳ* ad eoque petitio principii. (2) LXX interpretes, ut peritissimi & accuratissimi Ebræi, verterunt transitive, *τίς ἀναστήσει*; (3) quid si dicamus, tale verbum in originali extitisse, quod gigneret hunc sensum, adeoque lectum fuisse loco medii Vau in *יָקִים* *jod*, ut fiat *יָקִים* tertia fut. in Hiph. præprimis cum, quoad pieturam magna sit cognatio inter *יָ* & *י* & hoc fortassis demonstratu haud difficile foret, si antiquorum exemplarium copia daretur. Excipi posset, Chaldaicum tamen Paraphrasten sensum intransitivum retinuisse. Verum facilis est Resp. nempe ex distinctis exemplaribus ortame esse hanc versionum varietatem. Obvertit (2) Non esse plenam constructionem, postremas super pulvere excitabit. Quem? Resp. (1) *על* debet verti commodioris sensus gratia ex vel de pulvere. Multas enim hæc particula pro exigentia locorum significationes admittit. (2) si quærit resurrectionis objectum, tum dicimus id esse Jobum & omnes fideles. Quod si regerat, signifi-

cantius esse, si de Redemptoris vita immortali & potestate in pulve-
cem, ex quo & corpus suum resuscitavit, accipiat, tum Resp. Con-
cedendo quidem, sed hac cautela adhibita, ne Jobus excludatur.
Ille enim ex Christi resurrectione eliciens suam, non aliter atque
S. Paulus 1. Cor. 15. argumentatur: Si Christus resurrexit E. & nos re-
surgemus.

§. 15.

Et licet vel maximè urgeatur regula seu generalis Maxima de
ⲓⲡ intransitivo, & quòd B. Lutherus, dum transitivè reddidit, pec-
caverit, attamen in promptu nobis est sat validus Lutherum defen-
dendi modus, si scilicet dicatur eum primariò attendisse sensum,
non singula verba, proindeque pro Interprete non Metaphraste,
esse habendum. Lutherus scopum Jobi attendendo perspicuitati
studere voluit, ponens nimirum consequens, licet in textu Ebraeo
habeatur antecedens. Conclusio enim fuit ex medio termino, &
ille extat in fonte.

§. 16.

Alii, quos inter Joh. Pineda Comment. in h. l. p. 99. valdè operosi
sunt, ut ex alio fundamento versionem Lutheri vindicent. Hærent
enim in hac opinione, quasi LXX. & Vulgate Interpres initio in suis
exemplaribus legerint non ⲓⲡ intertia, sed ⲓⲡⲛ in prima, sur-
gam super terram, ope Goelis mei; deinceps verò Judæi deprava-
rint & duo latera sinistra ⲛⲁ abraferint, ut hac ratione superstes
mansisset solum punctum Jod. Verùm hoc fundamentum ea fa-
cilitate rejicitur, quæ affertur. Est enim lubricum, merisque niti-
tur conjecturis.

§. 17.

Piscator Herbornensis per stationem intelligit triumphum seu
victoriam ex hostibus; & per pulverem indigitat locum certaminis.
Hinc in glossis Biblicis ita vertit: Er wird der letzte auff dem Stau-
be stehen/das ist/das er das Feld behalten wird / wenn er mit meinen
Feinden wird streiten/mich von ihnen zu erlösen. Sed enim licet sen-
sus non adeo sit incongruus & impertinens, versionem tamen ni-
mis remotam, contortam atque arbitrariam esse, inunctis necesse sit
oculis, qui non videat, quia quod Jobus non simpliciter victoriam
adversus hostes suos profiteatur, sed specialiter modum victoriæ
sui

sui Redemptoris determinet. Unde in fumum simul abit Grotii explicatio, de qua conf. Magnif. Dn. D. Calovius, Præceptor meus summe venerandus in Annot. Bibl. h. l. contra Hug. Grotium.

§. 18.

Chaldaica versio, si dicendum quod res est, nimium exspatiatur à textu, quando generaliter de cunctis morte Christi acquisitis beneficiis, quo etiam mortuorum resurrectio spectat, exponit: Post-hac redemptio ejus surget super me. Nam non tam de redemptione quam de Redemptore primario hic sermonem instituit Hiob.

§. 19.

Longum autem latumque pedem non discedunt à proprietate verborum Vatablus, aliique cum ipso, quando verba illa, de quorum nucleo jam ludimus, interpretantur de adventu ad universale judicium. Radix enim **pro** quando cum præposit. **h** constructur, notat repugnantiam aut hostilitatem Jud. 9. 17. Ps. 34. 5. Sensus igitur foret: Novissimo die consurget adversus pulverem i. e. adversus genus humanum, tanquam severus judex ad vindicandum peccata. Si adhuc aliter præpos. **h** per coram vertatur, ut Zach. 6. 5. Ex. 20. 4. tum prodibit sensus: Consurget coram pulvere ad judicandum. Et sic per pulverem generatim intelligitur homo per metonym. materiz pro materiato, Gen. 3. 19. Strictim quandoque homo mortuus per metonym. subjecti pro adjuncto, vel continentis pro contento. Evolvant, quibus interest, Ps. 12. 5. Ps. 30. 10.

§. 20.

Quidam satis proprie & nervose voculam **h** exponunt per Propter ad innuendum primum Christi adventus finem, qui est resuscitatio mortuorum. Hinc Försterus observavit in Lex. p. 596. hanc particulam aliquando causam & finem alicujus rei indicare, ut Jer. 51. 35. Gen. 16. 4. Sensus igitur foret: Christus ultimo die surget propter pulverem, i. e. mortuorum & defunctorum causa, ut nempe illis iterum vitam restituat.

§. 21.

Martyr l. c. cum Schindlero in Lex. p. 1395. adhuc aliter explicavit: Postremo tempore, h. e. ad finem seculi surget, i. e. exercebit vires suas, erga pulverem, h. e. erga corpora defunctorum jam in pulverem redacta, illa vicissim excitando atque è sepulchris prodire faciundo.

§. 22.

Inveniuntur mira quædam ingenia, quæ affirmare audent, pugnam dari inter Theologiam & Philosophiam, eo quod illa affirmet, hominem de mortuum esse ad vitam resuscitandum, hæc vero neget, cum à privatione ad habitum non detur regressus. At Resp. Philosophia non negat omnem reditum à privatione ad habitum, (ut à tenebris ad lucem, à somno ad evigilationem, à morbo ad sanitatem) in quibus autem negat, loquitur de reditu naturali, non autem de eo, qui à principio & virtute supernaturali proficiscitur. Vid. Vedelius in rat. Theol. lib. 3. cap. 2. pag. 347. ad 9. Dn. Prücknerus in h.l.

Verf. XXVII.

§. 23.

וְאַחֲרָיו Et postquam. Est adverbium temporis. Vulgatus habet rursum. Potest etiam quandoque præpositionis vices sustinere, & tum idem notat quod *post*.

§. 24.

וְעוֹרִי Pellis vel cutis mea. Est nomen cum affixo. Dicitur ita à nuditate, ex rad. עוֹר, nudare, fodere, eruere. Sunt quoque nonnulli inter eruditè doctos, qui derivare amant ab עוֹר, excitatus, expersus est, vel quia in cute propter sentiendi facultatem ad varia fit excitatio, vel juxta Avenar. in Lex. quia pilis est excitata.

§. 25.

וְנִפְּסוּ Excidentur. Est tertia plur. præt. in Niph. à rad. נָפַס Excidit, concidit, excusit, decusit. Ponitur hic excidentur pro excidetur per enallagen numeri. Plurimi formæ Pihel esse dicunt transferentes per contriverunt, confoderunt, durchstochen. Avenar p. 512. active transtulit: postquam pellem meam deciderunt, subintellige vermes.

§. 26.

וְהָאֵלֶּה Hæc. Est pronom. fœmin gen. atq; subintelligi potest neutrum, similiter Gen. 3. 14. legitur fœmin. sed intelligi tamen debet neutrum. Ebraei enim rem indiscreti generis significaturi fœmineam terminationem adhiberi solent. c. g. Ps. 27. 4. Unam petii à Domino, h. e. unum, Eins bitte ich vom HERRN. Glafs. Gr. sacr. p. 49.

LXX.verterunt neutraliter per ταῦτα hoc sensu: Redemptor meus suscitabit carnem meam, quæ tolerat hæc, i.e. has afflictiones. Ubi tamen notandum, eos hac ratione nimium à textu originali dilabi, idque non tantum in hoc vocabulo, sed in tota propositione, dum omittunt vocem יָקוּם referentes יָקוּם ad verbum præcedens יָקוּם hoc modo: *ἀναστήσεται τὸ δέρμα μου τὸ ἀνατλήν ταῦτα* suscitabit pellem meam, quæ patitur hæc. Pagninus & B. A. Montan9 particula illa יָקוּם ad cutem respiciunt: postquam pellem meam contriverint hanc. Sed quo minus id fieri possit, in causa est vox יָקוּם quæ generis Masculini est. Chaldæus interpres voculam jam allatam ad tempus resurrectionis & visionis refert: Postquam inflata seu redivintegrata erit cutis mea erit hoc, quod visurus scil. sum Deum. Quæ versio non adeo quidem incongrua esset, nisi obstaret saltem יָקוּם quod non rectè per inflari exprimitur. In Vatabli versione, post pellem meam contriverunt istud, nullus sensus apparet. Grotius per יָקוּם intelligit arvinam, verum rectius caro ipsa subintelligitur, juxta versionem Anglicanam, utpote cujus postea mentio fit.

§. 27.

Nec minus virgula censoria dignus est Piscator, qui de verbo ad verbum hunc in modum interpretatur est: *Wiemohl sie (die Würme) nach meiner Haut dieses (dis mein arm Fleisch und Bein) durchstochen haben &c.* Nam qualis quæto hic sensus, qualisve cum præcedentibus coherrentia? Et quid multum immoramur hujus versionis examini, cum semper aliquid monstri alat & Germanas aures ad nauseam usque offendat, cujus vivum exemplum reperitur in Pf. 22. 7, ubi B. Luth. optimè reddidit: *Du bist mein Schirm*, ille autem: *Du bist mein Schlupffwinckel* &c. cit. Dilherro in Eclog. S. p. 403. Videt itaque quilibet ridiculam esse hanc versionem, & quod gravitur, peccet in legem interpretis, quæ tenetur non nuda vocabula sed sensum exprimere atque attendere linguam, in quam transfert, non ex qua, eo officio namque Metaphrastes fungi solet. Hinc Luth. in Præfat. super Esaiam: *Non opus est, ut verba singula singulis respondeant, sed sufficere, si simul sumta à simul sumtis non discrepent, i.e. si totus contextus à toto contextu non discrepet.*

§. 28.

Cum itaque B. Luth. olfaceret Jobo sermonem esse de universali mortuorum resurrectione, sensum atque significatum horum ver-

horum satis commodè expresse hoc pacto: Unde werde darnach mit dieser meiner Haut umgeben werden. Non equidem inficias imus verba hæc Germanica ab Ebræis quodammodo deflectere. Verbum enim, quod in fonte tertiæ personæ est, in translatione fit primæ; deinde idem verbum juxta Vulgatum expresse per circumdabor. Verum sensus coincidit, licet verba discrepent. Eodem enim recidit, siue dicat: Cutis mea resurgit post Confessionem, siue: Ego pelle circumdabor. Præprimis si quorundam derivatio locum inveniatur, quæ אָפּן deducunt à rad. אָפּן , quod significat circumdedit, circumiit, cinxit, ita Job. 15. &c. 19. 6. accipitur, notante Buxt. in Lex. Esset igitur אָפּן tert. plur. præter. Niph ut ita inter defectiva. Pejod, quæ more defectivorum Pe Nun solent flecti, referatur. Hinc duplicata enallage ponenda tum temporis, præteriti scil. pro futuro, tum numeri, pluralis pro singulari, & vocula $\text{נִי$ de ipso corpore veniet interpretanda, ut hic emergat sensus: Et post pelle mea circumdabitur hoc corpus. Sixtinus ab Amama in Anti-Barb. Bibl. hoc unicum reponit, quod illud verbum אָפּן nusquam alias legatur in Niphal. Sed quid tum postea? Danturne plurima ἀπαλῶμενα ?

§. 29.

Si quis verò in hanc exegesis consentire renuat atque prætendat, nimis durum & horridum esse, si אָפּן in prima conjug. accipiat, duplex enallage statuatur & per נִי ipsum corpus exprimatur. Huic. Resp. (1) Satis esse, si hac ratione translatio Lutheri propius ad fontem accedat Ebræum. (2) in locis obscuris figuras esse assumendas, si verba textus nullum monstrent sensum. (3) Paraphr. Chald. ferè cum Lutheri coincidit, quæ ita habet: Et postquam inflata fuerit pellis mea. Ubi per inflari procul dubio nihil aliud indicatur, quam circumductio & in pristinam ac meliorem formam restitutio. (4) Verbis ferè similibus mortuorum resurrectio describitur Ezech. 37. 8.

§. 30.

Aliam interpretationem vocis עוֹרִי suppeditavit Schindlerus in Lex. col. 1299. Ille enim subaudit putrefactionem, ut hic fiat sensus Hiobi: Post (putrefactionem) cutis mea excidentur, *absumuntur* hæc omnia visibilia.

§. 31.

Neque leviter omittenda erat expositio verbalis, quæ B. D. Gerhardo l. c. atque Marino f. 476. omnium simplicissima videtur. Sensus

27
sus erit talis: Et post excitari meum, vel postquam ex mortuis per illum meum Redemptorem excitatus fuero, tunc excidetur hoc, *δεκα*, *ἡμῶς* hoc omne quod in mundo adspicio.

§. 32.

Aliam, præter jam adductas, si quis desiderat interpretationem, adeat Zanchium P. 1. de tribus Elohim l. 2. c. 4. p. 51. Ille enim, ut orationem hanc ellipticam *וְאַחֵר עָרִי נִקְפָּו וְאַחֵר* compleat, assumit iterum verbum *נִקְפָּו*. Labet apponere, ut sensus clarius fiat, huc verba ejus: Et postea cutis mea, (quam) contriverunt (præteritum pro futuro) vel corroserunt (nempe corrosores morbi, & tandem etiam mors & vermes) hæc (cutis) quam videtis exesam ferè (repetendum more in Scripturis frequentato *וְאַחֵר עָרִי נִקְפָּו*) denuo *נִקְפָּו* resurget. Et, ut paucis multa complectar, argumentum format à causa ad effectum, seu à capite ad membra, & h. m. tandem concludit Hiob: Redemptor meus surget, & postquam pellis mea consumpta fuerit, hæc similiter super terram consurget. Hæc expositio, si animi nostri complicatam notionem evolvimus, laudem haud vulgarem meretur, utpote cum nativam vocum significationem retineat, sensumque clare exprimat.

§. 33.

Tribus tandem verbis Tigurinorum versionem expediemus, quæ ita se habet: postquam verò circumdederint (Pater, Filius & Sp. S.) pelle mea hoc sc. corpus meum.

§. 34.

וּמִבְשָׁרִי Et de carne mea *וְ* est præpos. & significat A, ab, de ex, præ, cum, in. Conjungitur hic alii voci ejecto Nun, in cujus locū succedit, dagefch. Buxt. Thes. Gram. p. 554. *בָּשָׂר* Caro, est generis masculini, & per Synecdochen nunc totum, nunc partes denotat que complectitur.

§. 35.

וְיֵרָא Videbo. Est prima pers. Fut. in Cal. Radix *וָיָרָא* Vidit, prævidit, adspexit, resoexit, contemplatus est, intuitus est. LXX. iterum à verbis textus nimium dilabuntur, quando ita interpretantur: *ὁ κύριος ταῦτά μοι συνέτελέσθη, ἃ ἐγὼ ἐμεύτῳ συνετίσαμεν*, Nam à Domino hæc mihi confecta sunt, quæ ego mihi conscius sum sc. infortunia. Hac radice visio corporalis indicatur, quod septuaginta observarunt, ideoque per *βλέπεν*, *ὁρᾶν* semper exprimere soliti sunt. Deinde Prophetæ quoque dicuntur

וַיִּרְאוּ Videntes, & tum idem sibi vult, ac si aliquid in visione cognoscere, quia Deus per visiones & apparitiones externas ipsis res futuras atque occultas patefaciebat.

§. 36.

וַיִּרְאוּ DEUS. Est gen. masc. Habet modo pluralem, modo singularem sensum. Jobus Redemptorem suum Deum appellat respiciens, ad divinam Christi naturam. Deinde Redemptorem suum oculis corporeis visurum credit in die novissimo, & hoc modo respectum tenet ad humanam Christi naturam, utpote quam proprie oculis carnis intueri possumus.

§. 37.

Vorstius in tr. de DEO turpiter abutitur hac phrasi: Videbo Deum in carne mea. Etenim inde colligit, Deum non esse infinitum, quia possit videri. Verum Resp. ipsum confundere visionem cum comprehensione essentiae divinae. Videbimus quidem immensum Deum in altera vita etiam quia essentiam, sed non nisi oculis correctis, unde infinitati ejus nihii decedit. Conf. hac de re prolixè disputantes Pinedam in h.l. & Becanum in Controv. l. 3. c. 1. p. 504.

Vers. XXVII.

§. 38.

וְיִרְאֶה Quem. Est pronom. utriusque gen. & num. & significat Qui, quæ, quod. Aliquando conditionaliter sumitur pro **וְיִרְאֶה** Si, quia, quod, cum.

§. 39.

וְיִרְאֶה Mihi. Est Dativus gaudii, & denotat beatificam visionem.

§. 40.

וְיִרְאֶה Et oculi mei. Ex absoluto **וְיִרְאֶה** oculus. Metaphoricè fontem superficiem, colorem significat, quasi ad spectum aut externam rei speciem dicas. Buxt. in Lex.

§. 41.

וְיִרְאֶה Viderunt. Est tert. pers. præter. Kal. Radix **וְיִרְאֶה** Vidit, adspexit, circumspexit, expertus est, percepit. Per Enallagen temporis

risponitur viderunt providebunt. Indicat igitur se pręgustasse
quasi in corde suo illam visionem Dei per illuminationem Spiritus
sancti. Differt hæc radix à superiori ׀׀׀ in eo potissimum, quod de-
notet propriam in aliquid oculis & mente intendere, cum peculiari
quodam sensu & experientia rei conspecta. Conf. Ex. 3.3. Eccl. 1.16.

§. 42.

Non. Est adverbium negandi.

§. 43.

Alienigena, alienus, alius. Quidam vertunt paganum,
profanum, extraneum, qui alterius gentis & familiæ est, quam ejus,
de qua agitur. Rabbini vocant anomalum. In sacris pandectis im-
pius & perversus vocatur ׀׀ Prov. 7.8. Arabibus ׀׀ significat im-
pietatem, Psal. 139. versult.

§. 44.

Recensetur in hæcenus dictis ultimus victoriæ fructus, qui est
visio beatifica seu vita æterna, ubi Deum de facie ad faciem oculis
corporeis adspecturi sumus, idque colligimus ex verbis Hiobi: Et
de carne mea & his meis oculis videbo Deum. Removet igitur
(1) visionem Dei in Symbolis & ænigmatibus, qualis Psalm. 27. 4.
(2) cognitionem virtutis ac favoris Dei in hac vita, qualis Eccl. 38.
vers. 22. Job. 33. vers. 26. (3) spectationem gloriosæ alicujus ma-
nifestationis in eadem hac vita & carne, qualis Exod. 24. vers. 1.
describitur.

§. 45.

Annectit Jobus: Quem vel quod (si referatur ad Novi) vide-
bo mihi. i.e. non iratum vel adversarium, sed charitate exuberan-
tem ad sempiternam meam vitam, gaudium & gloriam indefi-
nentem.

§. 46.

Potest hujus Phrasæologiæ, Videbo mihi Deum, alius quoque
sensu esse, nempe videbo DEUM, ut testem & judicem pro
me, i.e. à meis partibus, ut hac ratione Jobus judicium gratiæ inclu-
sisse videatur. Leg. Coccejus in h.l.

§. 46.

Quando Jobus dicit: Oculi mei viderunt & non alterius,
C 3 (hanc

(hanc constructionem sine ulla difficultate potest admittere) tum hoc vult: non alterius, sed meo nitor sensu, & propriam habeo experientiam. Si quis autem vertere velit alius aut alter, sensus eodem plane redit. Non enim negat alium similiter vidisse Deum, sed hoc tantum, quod alius pro se viderit & sic ipsemet non.

§. 48.

Denique & hæc significatio est tolerabilis: Videbo mihi Deum & non impius. Non autem existimandum, quasi Jobus impios ab omni excludat visione, cum tantum à salutaris & beatifica arceat eos. Alias enim haud ignotum est ex aliquot scripturæ locis impios ad specturos esse Deum Redemptorem die novissimo in throno judicis sedentem. Videbunt igitur Deum non autem sibi, sed adversum se.

§. 49.

Aliter etiam dictum hoc militat adversus Flacianos, qui contendunt peccatum originis esse ipsam hominis substantiam. Pugnat enim hæc sententia inter alia absurda cum articulo resurrectionis & vitæ æternæ hoc modo: Ille ipse homo, qui mortuus est, resurget & vitam æternam intrabit Job. 19. 26. 27. Peccatum non resurget, Nihil enim coinquinati ibit in vitam æternam Apoc. 21. 26. E. peccatum non est ipsa substantia humana.

§. 50.

Flaciani excipiunt, esse quidem idem individuum resurrecturum, sed forma substantiali mutata. Verum hæc responsio est plane falsa. Quo pacto enim erit idem individuum, si non habet eandem formam substantialem: Unitas enim individui ex numerica formæ unitate in totum dependet. Grawerus Prælect. in A.C. P. 2. art. 2. p. 36. obj. 7.

CLASSIS. II. POLEMICA.

Probl. I.

An in hoc testimonio Jobæ agitur de mortuorum resurrectione post mortem, an verò de restitutione in meliorem statum pro hac vita?

§. 1. Posterius membrum acriter propugnant plurimi ex Rabbinis Aben Efdra, Levi Ben Gerson, Salomon Trecentis, Abraham Ben Peritsot, Nehemanides, Maimonides, Abravaniel, Josephus Albus Sorienfis, Menasseh Ben Israel. Quos sequuntur ex Calvinianis, Joh. Mercerus in comm. fol. 78. Joh. Drusius in h. l. Hugo Grotius in Annotat. h. l. Sixtinus ab Amama in Antibarbaro Bibl. pag. 666. l. 3. Vorstius P. 2. Responsi ad Sladum pag. 97. Gerhard. Johan. Vorstius in dispp. Theologico Histor. p. 177. Ex Photinianis Enjedinus in Explic. LL. Vet. & N. Test. pag. 51. eandem sententiam cum reliquis tenet. Cum quibus nimis infelicitet & precipitantet, eandem tibias inflat ex nostratibus unicus M. Henr. Kipping. Scholæ Basilicæ Bremensis Collega, in Distrib. VIII. annexa auctariis ad Epitomen Histor. Ecclesiast. D. Joh. Pappi pag. 344. seqq. Prius membrum viriliter defendunt ex Calvinianis Tremellius in notis Joh. Piscator in notis pag. 174. seqq. Zanchius l. 1. de tribus Elohim. lib. 2. c. 4. Batavi Scholiastæ, Paræus ad h. l. Castellion in notatis biblicis, Maresius in animadversionibus contra Volckelium l. 2. pag. 91. seqq. Ludov. Grocius l. 2. Syntagm. Theolog. pag. 340. seqq. Joh. Coccejus Comment. h. l. pag. 270. seqq. Ex Pontificiis Sanctius, Pineda Comment. h. l. pag. 98. seqq. Janfonius, Lyra, Cornel à Lapide. Ex orthodoxis B. Hutterus in LL. CC. Theol. Artic. 24. de resurrect. mortuorum l. 1. pag. 883. B. D. Meisnerus in disputat. de Fide Jobi Anno 1616. Witteb. habita, D. Gerhardus p. m. t. 8. LL. CC. L. 30 de resurrect. mortuor. pag. 980. 981. D. Waltherus b. r. in Harmon. Bibl. p. B. D. Röberus disp. 21. Colleg. Theol. de resurrect. mort. Exc. D. Danhauerus in Hodosophia Christiana pag. 935. seqq. Magnif. Dn. D. Abraham Calovius in Annot. Bibl. ad Jobum contra Hugonem Grotium. Friedlieb. in Annot. ad h. l. art. 2. classe 3. pag. 484. seqq. Raupius t. 2. Theol. Polem. pag. 66. seqq. Prücknerus in Vindiciis Biblicis Vet. & N. T. superiori Anno typis ex scriptis, specialiter in cap. 19. Hiob. pag. 211. seqq. Hos Arietes quis agnus non sequeretur?

§. 2. Adducemus autem pro obtinenda sententia nostra fundamenta immediatè & directè ex textu fluentia, quæalia sunt.

I. Plena & indubitata scientia Hiobi, quam cum cæteris fidelibus communem habuit. Unde argumentamur: Quodcunque neque Jobus neque alii credentes certò & infallibiliter scive-

sciverunt, de illo hæc confessio Jobi exponi non potest. Jam verò quod convalescere & bona amissa recuperare possint nec Jobus nec cæteri fideles certò & infallibiliter sciverunt. E. Major patet Jobus enim in antecessum monet, se non tantum certo certius scire & credere, quæ præpositurus erat, sed etiam alios cum ipso hæc credere & scire. Et hæc est ratio, cur particulam copulativam adhibeat. Minorem, quia indiget, etiam probamus inde, quia nulli vel Jobo vel aliis facta promissio vel generalis vel specialis de restitutione sanitatis & bonorum. Si dicant oppugnantes, hoc ipso in loco factam esse promissionem Resp. (1) Petitur principium. (2) Jobus potius desperavit de hac restitutione, quam ut eam certò sibi polliceri ausus fuerit, uti ex plurimis constat locis, pauca verò in medium attulisse sufficiat, Hiob cap. 7. vers. 7. libelli sui inquit: *Ventus est vita mea, non revertetur oculus meus, ut videat bona!* E. brevi ex hac vita se abiturum ratus est & felicitatem status temporalis planè non credidit. Quod ulterius in hoc cap. 19. vers. 10. clare testatur, inquires: *Destruxit me undique & fecit recedere à me sicut lignum spem meam:* Er hat mich zerbrochen umb und umb/ und lasset mich gehen und hat ausgerissen meine Hoffnung wie ein Baum. Sed excipit non nemo Jobum loqui instar eorum, qui magno animi mærore constrikti nunc sperant, nunc desperant, & expectatione futurorum suspensi, permiscant desiderium pavori, mala bonis. Quod igitur uno loco desperat pavore tetrico affectus, illud altero loco sperat, desiderio ingenti fultus Resp. Concedendo equidem, Jobum summo animi mærore fuisse correptum, interim tamen non planè mentis inopem aut sana ratione spoliatum fuisse, ut ignoraverit, quid loqueretur, quin potiù ea, quæ in corde conceperat & foverat, sincere & candide ore emserit. Cum itaque Jobus hinc inde dicit, se brevi tempore vitam cum morte esse commutaturum, omnemque suam spem esse eradicatam, tum veram mentis suæ sententiam exponit & revera ita statuit. Quando igitur in præsentis loco rei certæ, sibi que infallibiliter cognitæ mentionem injicit, tum nullo modo ad bona temporalia, sed unice ad celestia oculos ipsum reflectere in proclivi est. Quid quod alias hæc, quæ inde exsurgit, enantiophania componi nequeat, nisi dicatur Jobum de bonis temporalibus desperasse, contra verò æterna bo-

na & futuram corporis resurrectionem sperasse. (3) Si Jobo peculiariter revelatum, alii id non una cognovissent, quod tamen innuit copula. Nihil habent adversarii quod regerant, nisi quod copulam adversative per tamen, sed, velint explicatam. Verum Resp. (1) non esse recedendum à nativa significatione vocum, nisi urgens aliqua necessitas afferatur. (2) Nulla erit connexio, si adversative vertatur. Jobus enim postulat attentionem in antecedentibus: Utinam scriberentur verba mea in plumbo & silice ad perpetuam rei memoriam, quomodo jam his respondebit copula adversativa: *sed ego scio*? Longè rectius cohærebit sensus, si ita verba ponantur: Hoc est quod probè obversari velim, quod & ego, uti reliqui fideles, sciam credamque Redemptorem meum vivere. (3) Annotari velim nervum argumenti non tam in copula quam in verbo *יָרִי* residere, ideoque parum interesse, quo sensu conjunctio explicetur.

§. 3. Nomen *גָּלוּת*. Ex quo tale necimus argumentum: Si per nomen Redemptoris, specialiter Christus intelligitur, ejusque resurrectio una indigitatur, sequitur quod hic locus generaliter de DEO sanitatem restituente non possit explicari, sed potius de beneficio Christi homines resuscitantis. Atque E. Majoris consequentia ne quidem ab ipsis adversariis vocatur in dubium. Minoris probationem, cum contineat *καὶ ἐνομιμενον*, subjungemus in peculiari, quæ hanc excipiet, questione.

§. 4. Vox *אָחִירָא*. Unde nascitur nobis hoc argumentum: Ejusmodi quid Jobus intelligit, quod novissimo tempore, & ita post longa annorum spatia futurum erat. At restitutio sanitatis & bonorum non est facta novissimo tempore post plurimos annos. E. Major claret ex gemina significatione *אָחִירָא*. Min. probatur ex Hiob. cap. 42. vers. 9. & 10. ubi apparet Jobum statim post colloquium cum DEO convaluisse. Nec magni ponderis & roboris est, si dicant colloquium hoc post multos demum annos, adeoque tempore novissimo a sermone Jobi cap. 19. fuisse institutum. Hoc enim nunquam hætenus probari potuit, nec etiam probabile est, cum in continua narratione colloquium Jobi cum amicis subsecutum sit colloquium & responsum Dei, quando Jobus pristinae sanitati restitutus est. Unde ipso sole clarius emicat paucas

tantum intervenisse hebdomadas, quæ tamen tempus novissimum efficere, quis assereret?

§. 5. Phrasis, super pulverem stabit. Ex qua infero hoc modo: Quodcumque significat vel adventum in carnem vel resurrectionem è mortuis vel reditum ad iudicium, illud non potest accipi de restitutione bonorum ad hanc vitam. Atqui hæc phrasis. E. Minorem, de quocumque etiam subsumatur membro, supra probavimus & opiniones contrarias refutavimus. Major sua luce radiat. Eugu. binus hic movet dubium, dicitque hanc phrasin in Psal. 113. 7. denotare exaltationem ad honorem. E. & in hoc loco. Sed Resp. A particulari ad universale infirma ducitur collectio. Quia (1) Jobus in mente sua honoribus mundanis, quæ apparentes tantum sunt, jamdudum valedixerat & contra beatitudinem cœlestem, quam veram & perfectam sciebat, anxie quæsierat.

§. 6. Dictio: Postquam corroserint carnem. Ex qua sequens dedicatur argumentatio: Quicumque commemorat aliquid, quod post mortem demum futurum est, ille sane non loquitur de actione & peculiari privilegio hujus vitæ. Atqui Jobus. E. Major contra omne dubium est. Minor dispalescit ex eo, quod Jobus dicat vermes corrosuros carnem suam, quo ipso indicatur mors & omnimoda corruptio atque totalis corporis destructio. Talis ergo corrosio non potest fieri nisi post hanc vitam & hominis obitum. Hinc Jobus cap. 17. 14. æquipoollenti locutione corruptionem expressit: Putredini dixi pater meus es, mater mea & soror vermibus.

§. 7. Nostram sententiam de resurrectione itidem confirmant & contrariam destruunt, si יר, ע in significatione verbali accipiantur, וק, denovo assumatur & וק, à וק, derivetur. Cum verò nulla sententia sit, quæ non, licet clarissima, suas tamen cogatur pati exceptionunculas, hinc quoque non latet quænam obvertere: Jobum sermonem fecisse de carne per morbum corrosa. Huic autem ut occurramus, dicimus (1) morbum nunquam totaliter corpus corrumpere neque carnem destruere posse (2) tale quid hic indigitari, quod novissimam Redemptoris stationem consequatur, adeoque nullo modo de infirmitate & sanitate corporis hic agi.

§. 8. Verba illa: Et in carne mea videbo Deum. Unde sponte fuit hæc ratio: Quicumque dicit se in, de, vel ex carne sua esse visum Deum, is verba facit de statu post hanc vitam. Visio enim talis nemini in hac vita contingit, quia erit corporalis & fiet de facie ad faciem, cum Jobus clare dicat: Videbo his oculis meis, quos in corpore seu capite jam me circumgestare cernitis. Atq. Jobus. E. Adversarius noster negat consequentiam majoris propositionis & ad probationem hoc responsi dat, Jobum omnino in hac vita DEUM vidisse, siquidem c. 42. v. 5. libelli sui expressa verba extent: oculus meus vidit te. At Resp. dist. inter visionem, quæ est cap. 42. & illam, quæ cap. 19. Differunt namque multifariam, ut (1) objecto. Illa agnoscebat pro objecto speciem visibilem & ad tempus apparentem; hæc Redemptorem naturaliter vivum & resuscitatum. (2) adjunctis, & quidem (a) adjuncto modo. Illa Jobo fuit incognita, ipsique non expectata accidit; hæc promissa, certoque & infallibiliter sperata. Illa fuit simplex, hæc salutaris & beatifica. (3) loco. Illa refertur ad Deum ex turbine loquentem; hæc ad Messiam super pulverem stantem (7) tempore. Illam expertus est Jobus brevi interveniente mora cum adhuc in terris versaretur; hanc demum post novissimum diem resurrectione tam Messie quam sui ipsius facta.

§. 9. Non possum hic sicco præterire pede, multò minus reticere depravationem superioris phraseologiæ commissam ab eodem antagonistâ statuente per videre Deum exprimi sanitatem, favorem & gratiam Dei in hac vita. Resp. (1) Esse contradictoria, si Jobus voluerit, quod post corrosionem seu sui excoriationem h. e. mortem integer vivus & vegetus sensurus sit gratiam Dei in hac vita (2) multoties spem restitutionis, quæ mirabilis & incredibilis fuit, planè abdicaverat in hoc ævo, ut etiam mente captos pronunciaret eos, qui aliud quid sibi persuadere satagant atque præsumant. (3) Si propius sensus locum optime habere potest, quid vetat, si rejiciamus Metaphoricum?

§. 10. Drusius & Mercerus existimarunt, Videbo Deum, idem significare ac agnoscam (1) Dei potentiam. Sed Resp. (a) illam, quem verba ingenerant, sensum in majori æstimo & pretio habendum esse. Non potest igitur horum verborum talis esse sensus, quem adversarii afferunt, quia sic alia verba substituenda forent,

e.g. **אני ראהו בשרי** Et in carne mea videbo manum DEI. (β) agnitio divinæ potentia non potest hic stare, quia ea sit oculis mentis, non corporis, sicuti visio Hiobi. (γ) Dei providentiam & beneficentiam in temporalibus. Resp. (α) Jobum non potuisse ad eam provocare, quia de hac ipsi nihil certi constitit. (β) fin iudicare Jobus Dei providentiam vellet, cur non ita potius efferret **אני ראהו בקרתי**, Et in carne mea videbo visitationem Dei, uti extat cap. 10. 12. (γ) non opus erat tanta verborum pompa confirmare, quod videat Dei providentiam, cum hac de re inter partes non disceptabatur. (3) Dei mirabilem clementiam, quod Jobus in tot tantisque malis non pereat. Resp. (α) Hiob differit de visione post corrosionem h.e. post mortem. Quomodo igitur potest intelligere visionem mirabilium ante mortem? (β) rem futuram insinuat, ac cognitio mirabilium erat præsens. (γ) contraveniunt hæc menti Jobi, quia maxime conquerebatur, se servari ad carnificinam & ignominiam, cap. 6. 8. & 6. c. 7. 21. Non igitur cedit hoc in solatium Jobi.

§. 11. Vatablus & R. Levi dicunt, Videbo de carne mea Deum, exponi debere: in carne mea specto iudicium & severitatem Dei. Resp. (α) Hiob non loquitur de re præsentis sed futura. (β) neq; solatur neq; erigit hæc glossa Jobum. (γ) quomodo hæc quadrant, cum exordio Orationis Jobæ; Novi Redemptorem meum vivere, si jam subijciat, sentio iram Dei in me.

Amphora cæpit

Institui, currente rota cur urceus exit?

(δ) Hoc pacto quivis scelestus, quando virgis caditur, dicere posset, se videre Deum de carne sua, quia sentit afflictionem & pœnam. (ε) nuspiam in sacro Bibliorum volumine vox **בשר** caro legitur usurpata pro afflictione in carne. Siccine alias confusio substantiæ cum accidente introduceretur?

§. 12. Sermōnis occasio tandem vim haud vulgarem indit, nostræ sententiæ. Amici etenim Jobi Bildad & Zophar secundum ejus temporis inter Judæos receptā sententiā ipsi, quem pro impio habebant, omnem beatam spem resurgendi denegabant, Job. 18. v. 5.

13, 14. Conf. c. 10. 9. ubi Zophar spem Jobi de resurrectione quasi refutat. Illis respondet Jobus: Licet vos me resurrecturum tanquam implum negetis, ego tamen firme spero, quod Redemptor meus sit me de pulvere terræ suscitaturus.

§. 13. Jacto hæctenus solido fundamento orthodoxia auctoratus non vereor cum adversariorum cohorte congregari. Et quamvis non ignorem eos tenacissimè sententiæ suæ inhærere & nimis rigidos opinionum suarum esse defensores, ut facilius lupo ovem, milvo gallinam, aquilæ prædam, Herculi clavam extorqueas, quam illis veteres suas avias à pulmone, ut Satyricus loquitur, revellas, tamen cum instituti mei nunc sit, tentabo, annè eorum rationes eradicare, tela, quibus nos alioquin maxime infestare solent, excipere: atque objectionum fluctus propulsare queam.

§. 14. Qui in contrariam à nobis abeunt partem, allegant verba Job. 42. vers. 12. Deus benedixit Jobo in novissimis magis quam in initio ejus. Hinc inferunt Jobum cap. 19. de temporali felicitate sermocinatum esse. Ast quo minus hæc illatio tolerari possit, obstat (α) distinctio inter vocabula, אחרית & אחרון. Illud, quod cap. 19. habetur, adjectivum est, adeoque subaudiri debet substantivum, quod esse potest vel Christus, vel dies, vel potest etiam adverbialiter verti per postremo. Hoc, quod cap. 42. legitur, est substantivum & denotat finem vel postremitatem vitæ Jobæ, ut hic appareat sensus: Deus magis benedixit Jobo in annis vitæ posterioribus quam in prioribus ante pressuras. Straminea igitur est consequentia: Deus benedixit Jobo ultimo vitæ tempore. E. cap. 19. non agitur de resurrectione mortuorum. (β) Adversarii nimis frigide & fluctuante disputant, quando vocabulam novissimi mox ad dies Jobi, mox etiam ad Deum Patrem referunt, utpote qui solus tamen, licet mors omnia occupaverit, novissimus & postremus in vita sit futurus & æternum perstaturus Esa. 44. 6. Sed non penetrare possum, quomodo hæc expositiones consistere possint? Nam si agnoscant vocem novissimi pro attributo divino, qui accommodari poterunt conditioni Jobæ in eodem argumenti genere & contra?

§. 15. Tuentur se quoque contradicentes Paraphrasi Caldaica, quod illa legat: Videbo bonum Dei i.e. felicitatem temporalem. Resp. (α) Qui ita legunt, volunt decipi. E. decipiantur. In textu enim non habetur **וְיִרְאֶה** bonum, sed **וְיִרְאֶה** iterum. Confundunt itaque literas, quando obiter saltem & intuitivo oculo textum adpiciunt. In aprico quidem est apud R. Nachman. Legi **וְיִרְאֶה** sed male; præterea tamen & ille vertit per iterum, ac si esset **וְיִרְאֶה**. (β) Non debet verbaliter verti **וְיִרְאֶה** per reversus est, sed adverbialiter per iterum. Extat enim apud Ebraeos regula, quam notavit Schindler. in Lex. col. 1816 **וְיִרְאֶה** constructum cum alio verbo valet iterum, rursus, ut Ps. 71. 20. Eccl. 6. 13. Hoc loco autem præcedit verbum, Videbo E. non ut nomen, neq; ut verbum, sed ut adverbium debet explicari. Præsupponi autem hic debet **וְיִרְאֶה** habere maximam cognationem cum **וְיִרְאֶה**. Chaldaei enim **וְיִרְאֶה** mutant in **וְיִרְאֶה**. (γ) ex Lexicographis facile demonstrari potest **וְיִרְאֶה** frequenter apud Chaldaeos absolute positum esse pro rursus, denuo, &c. (δ) Posito Chaldaicum interpretem vertisse videbo bonum Dei, nihil tamen quicquam contra nos obtinerent, quia authoritati alias opponimus, septuaginta nempe & reliquos Interpretes.

§. 16. Argumentantur pro porro in contrarium à majori ad minus: Si Apostoli & discipuli non crediderunt resurrectionem, priusquam Christi rediviui quotidianis manifestationibus fuerant certiores redditi, multò minus Jobus & alii fideles V. T. crediderunt resurrectionem. Discipuli enim Christi indies magis magisque ab ipso edocebantur. Resp. (α) per instantiam. Discipuli non crediderunt Christum pro transgressionibus humani generis morte sua satisfacturum esse. Quis verò vellet hoc negare de Jobo & reliquis V. T. fidelibus, si consuleret saltem cap. 53. Eccl. (β) Directè negamus consequentiam. Discipuli enim præconcepta opinione de terreno Christi regno erant fascinati. Unde ex accidenti mysterium illud, quod rationis acumine prorsus impervestigabile, de resurrectione illis fuit obscurum. Hinc Christus in itinere Emaunthico per interpretationem Moysi & Prophetarum suum per perpesiones in gloriam introitum demonstrat, & amentiam tarditatemque discipulorum, qui ex scriptura ista non intelligerent, increpat. (γ) Christus resurrexit tertio die secundum scripturas 1. Cor. 15. Etiam credentes

tes V. T. quia habuerunt scripturam, non potuit latere prorsus futura Christi resurrectio. Huc facit dictum Davidicum Psal. 16. 8. cuius explicatio habetur Act. 2. 17. dictum propheticum Os. 6. 2. typus Jonæ c. 1. Conf. Matth. 12. 40.

§. 17. Obijciunt nobis ultimo auctoritatem Rabbiniſticam. Rabbini, inquit noſter Rabbiniſans, non agnoſcunt h. l. reſurrectionem, adeoque, cum Saducæos & Karæos, reſellunt, qui reſurrectionem carnis negabant, dicta alia, quæ aliquam in ſpeciem eò referri poſſunt, videas eos undiqve librorum ſedulo conquirere, at locum Jobi nemo affert, imò commentarii eorum tantum de reſtitutione ad præſentis vitæ bona annotant. At Reſp. (a) Perverſos & contumaces Judæos in puncto hoc religionis graviſſimo non eſſe conſulendos præ chriſtianis, quia deſtituuntur epicriſi divina nec habent ſpiritum Dei. Rimantur reſurrectionem, ubi nullum ejus veſtigium, contra in locis, ubi perſpicue proponitur, cæcutiunt & hallucinantur. Deinde non penetrarunt totam cauſam Jobi, quia non intelligere volunt promiſſiones evangelicas, adeoque nulla admiratione dignum, eos à vero teſtimonii hujus ſenſu aberraffe. Plerique inſuper ambigunt de carnis reſurrectione, vel ad minimum de ſtatu piorum exgentibus in reſurrectione, qualis erat Jobus. Accedit quod quidam ex præſectis Judæis ſancto Dei viro talem affingant opinionem, quam ne quidem per febrim ſomniavit, nimirum ipſum ob vehementiâ doloris mortuorum reſurrectionem negaſſe. Quid igitur ſani ab his expectandum? Vid. Menafſeh Ben-Israël l. 1. de reſurrect. mort. c. 16. §. 132. Colligunt, ne gratis id dixiſſe videantur, quidem dicta quædam eo, ut exiſtimant, facientia, ut Job. 7. v. 9. c. 17. v. 12. Verum, ut rectè notat Menafſeh epiſt. de reſurrect. mort. ipſe R. Moſes dicit illa dicta intelligenda eſſe ſecundum naturæ ordinem. Naturaliter enim mortui non reſurgunt ad hanc vitam. (b) Aſſumunt id ut verum, quod tamen eſt falſum. LXX. enim, qui Judæi procul dubio fuerunt, interpretantur locum hunc de reſurrectione mortuorum in verbis: *ὅτι γὰρ ἀναστήσας τὸ δέγμα μὲν τὸ ἀν-θλῶν* (unde Latinum exantlare deſcendit) *ταῦτα*, ut in terra reſuſcitet pellem meam, quæ hæc exantlat, in die ſcilicet pantacritico. Notabile quoque eſt apud eosdem Seniores in ultimo Jobi capite legi verba: Mortuus eſt Job ſenior & plenus dierum. Scriptum eſt

est autem, nempe cap. 19. (alio enim eos respexisse nusquam constat) ipsum rursus resurrecturum, cum quibus resurgit Dominus. De his verbis refert ex Niceta Pineda pag. 104 quod neque apud Ebraum, neque apud Aquilam & Symmachum legantur, interim tamen apud Theodotionem, inque editione Sixti vaticana habeantur, & ab Origine in Epist. ad Africanum & Clem. Rom. 15. constituit. c. 6. citentur. (γ) R. Simeon Ben- Jochai, quando explicat illa verba: Hæ sunt generationes Noë. R. Sam. Marochianus in epist. de adventu Messie ad Isaacum Israelitam c. 11. item R. Hakkadosch, quem Judæi solent appellare Magistrum nostrum sanctum, in libro, qui מגילת העצמות h. e. revelator arcanorum inscribitur, nostram ex Hiobi cap. 19. deductam sententiam de mortuorum resurrectione suo calculo approbant, notante Galat. 1.3. de arcan. cath. verit. c. 19. Si verò quis dicat, librum illum, qui arcanorum Revelator appellatur, esse dubiæ & incertæ authoritatis, unde probabit? Apud eundem Galat. cap. 27. antiqua, quæ non parum adversarium torquere potest, Thalmudistarum legitur traditio, mundum ad specturum esse Deum oculis corporeis, populosque digito sibi invicem ostensuros. (δ) Idem l. c. in commentariis Judæorum hoc dictum de Resurrectione carnis explicatū inveniri probat ex Beretschit Ketanna h. e. expositione Genesis minoris, super illud Gen. 18. Apparuit ei Dominus, ubi hæc habentur verba: Scriptum est (Job. 19) Et rursus vel postea pelle mea circumdabuntur ista & ex carne mea videbo Deum. Antequam ab hoc colo abeam, contra adversarium (ε) adducam, quod memorat Pineda ad vers. 26. Rabbinum nempe sexagenarium, qui Constantinopoli, Veneriis & Romæ Judæos docuerat, initio præsentem locum de restituenda sanitate explicasse, ast post conversionem & ulteriorem sui informationem nostram comprobasse sententiam. Ex dictis igitur satis superque liquet & luce meridiana clarius apparet, frustraneò imo impudenti ausu à Grotio, Enjedino, Ochino, l. l. dial. 2. eorumque sequacibus obverti, ac si Rabbinum hoc testimonium nunquam & nullibi de resurrectione interpretati fuerint.

Probl. II.

Quis in presenti loco per Goelem veniat intelligendus;

AN DEVS Pater, an vero Christus

θεανθρωπος?

§ I. An-

§. i. Antequam mentem nostram exponamus circa præsens *Σημεῖα*, in antecessum hic monere lubet, illos authores, qui in quæst. præced. proposteriori certarunt membro, hic, ut sententiam suam quodammodo pallient, anteriorem problematis nostri partem arripere. Sed hos Sisyphi saxum volvere, jam jam demonstraturi sumus.

§. 2. Nos proinde per Golem nullum alium præter mundi Messiam intellectum volumus, sed, ut hanc nostram thesin corroboremus, firmissima aliquot argumenta partim ex textu, partim aliunde deerunt desumenda. Dicimus igitur

I. Qvic. oculis corporeis potest videri, is per Redemptorem proprie intelligitur. Atqui non Pater, illius enim essentia est invisibilis, sed Christus Filius Dei incarnatus. Nam is verum corpus habet, & die novissimo tam à piis quam impiis conspicietur Zach. 12. 20. E.

II. Qvic. ex mortuis resurrexit & vivit, is est Redemptor. Atq. Filius, non Pater. E. Si regeras, Deum quoque absolute spectatum vivere. Resp. dist. (1) inter vitam naturalem & supernaturalem. (2) inter vitam ultimis temporibus futuram : & æternam. De posterioribus distinctionum membris valet objectio.

III. Qvic. defunctos ex mortuis in vitam resuscitat, is proprie nomine Redemptoris hic venit. Ob hanc enim causam Jobus spem suam ponit in Redemptore, & quam certo hic resurrexit, tam certo se resurrecturum credit. Atqui Christus, juxta evidentia scripturæ testimonia, Joh. 28. 29. Ph. 3. 20. & exempla, Matth. 9. 25. Luc. 7. 14. Joh. 11. Matth. 27. E.

IV. Qvic. est directum, immediatum & verum veræ & salvantis fidei objectum, is proprie gaudet titulo Redemptoris. Nam si scire, Jobi nihil aliud est quam credere, ut constat ex Es. 53. 11. Joh. 17. v. 3. fidesibi expresse appellatur notitia, sequitur utique quod per Redemptorem intelligatur fidei objectum. Atq. Christus Fides enim non generaliter Deum, sed specialiter Christum apprehendit, uti ad oculum patebit, si saltem in Johanne cap. 1. v. 12. evolvatur. E.

V. Quando verbum *Ἰησοῦς* vel inde derivatum nomen ipsi Deo tribuitur, tum immediate secunda Trinitatis persona intelligi debet, nimirum Filius, qui propterea incarnatus est, ut nos sub tyrannide Diaboli incarceratos per pretiosum suum sanguinem redimeret. Atq. id ipsum hic fit. E. Major est regula Philologorum peritisimorum &

fundatur in exemplorum inductione, ut Gen. 48. 16. Angelus מלאך qui redemit me ab omni malo, Ubi notandum angelum illum non esse creatum, sed increatum, np. ipsum Dei Filium. Vox enim אנש nuspian in universis Bibliis angelo creato tribuitur, observante. Exc. Havemannno, Patrono meo summe sancteq; venerando, in Theogn. c. 4. §. 7. it. Ex. 15. 13. duxisti populum, quem redimisti. Hæc eductio clavis verbis Christo tribuitur, 1. Cor. 10. 3. & 9. Addatur Os. 13. 14. De manu inferni vendicabo eos. Hæc victoria Christo adscribitur 1. Cor. 15. 55. Item Jer. 31. 11. Redimit Jehovah Jacob. Unde non malè colligitur, si credentes in V. T. Deum vocando Redemptorem, singularem respectum habuerunt ad Christum, ut venturum Mesiam & Redemptorem specialiter consideratum, sequitur Jobum, cum summis angustiiis & calamitatibus domesticis conflegebatur, idè fecisse. De Minore supra allati argumèti si cuiusdā dubium suboriatur, inspiciat ipsius textus v. 16. & sic conclusioni suæ non denegabit veritatē.

VI. Cuicumq; conveniunt quinque illa, quæ vulgo numerare solent, requisita veri Redemptoris, is propriè est Redemptor, atq; à Jobo hic specificatur. Atq. soli Christo. E. Majorem nemo facile negaverit. Minor quoq; claret. Nam Christus Redemptor (1) est noster proximus, (2) consanguinitatis jure nos redemit, (3) iniusto possessori prædam eripuit, (4) huic nullum pretium solvit, (5) sanguinem pro redemptionis pretio vero Domino solvit. Cum igitur hæc leges recensitæ scripturæ & fidei nostræ sint analogæ, inconcussa sanè fortalitiū instar manebit conclusio.

VII. Quid nos solvit à peccato & ab ira Dei, illum Redemptorem. L. Jobo intelligit. A. Christum &c. uti hinc inde scripturæ dicta testantur, tum etiā LXX. Interpretes, dum ita verterunt: ὁ δὲ αἰὼν ὁ ἀλλοθεν μὴ μέλλων. Scio ego, quod æternus est, qui me solvere debet E.

IX. Quicq. notat יְהוָה, id etiā יְהוָה. Atq. illud significat Redemptorem secundum excellentiam, qui est unicus & solus Christus. Etenim is factus est Pater & Frater noster, Proximus & Consanguineus, Dominus & Amicus noster, ad quem spectat jus redimendi nos ex faucibus inferni, mortis & diaboli. E & hoc. Majoris consequentiam stabilit testimonium Targum, quo d, ut id observavit Schindl. in Lex. Pentagl. f. 267. loco יְהוָה legit יְהוָה. Idè sit Es. 59. 20. Et veniet ad Sion Redemptor. Ebraeus codex hic habet יְהוָה, Targum autem

autem פֶּרֶק. Antiqua editio legit מֶרֶק. Iste est Mesſias. Ab hac radice descendit vox qvāda, qvā legitur 1. Tim. 2. 6. ſemet ipſum dedit, pretium phurkono, redemptionis, it. Luc. 1. 71. dhiphrkun ut nos redimeret ab inimicis noſtris. Unde nomen פֶּרֶק vel פֶּרֶק Redētor oritur. Min. eſt in conſeſſo, & ſic recte qvoq; inferitur cōcl.

§. 3. Adverſarii, Rabbini imprimis & Ebraizantes, ne videantur victas nobis dare manus, reponunt per Goelem Jobi poſſe intelligi communi ratione Aſſertorem & Liberatorem. Reſp. (α) neg. Quia Jobus vocem לָנָא cum delectu adhibet & innuit talem Redemptorē, qui noſter propinquus & frater, qui carnem & ſanguinē noſtri cauſa aſſumſit, qui pro noſtri redemptione lytrum interpoſuit. Et hæc eſt nativa vocis לָנָא ſignificatio, qvam in ſcriptura obtinet. Vid. ſupra CLASSIS I. paraphr. Inde etiam eſt, qvōd Theodotio verterit ἀγιστός μὲν, Proximus meus. (β) Licet concedamus radicem לָנָא aliquando generaliter de Redemptore & redemptione accipi, attamen redemptio per ſanguinem Chriſti facta, tunc ſemper præſupponitur tanquam cauſa & fundamentum alterius liberationis. Si igitur alicubi liberatio corporalis, qvā à Chriſto Redemptore facta ſit, exponatur, primario tamen & peculiariter à ſpirituale liberatione Goelem appellatur. Hæc enim ſuperat illā ob virtutem redemptionis, qvā facta eſt per ſanguinem Chriſti effuſum, quia extra hanc nulla ſpes ullius etiam Redemptionis foret. Non eſt in ullo aliā ſalus, nec aliud nomen ſub cœlo datum eſt hominibus, per qvōd oporteat nos ſalvari Act. 14. 12. Verum regerat quis: Nos, nō Jobū, nec alios ſanctos V. T. debere in nomine Jeſu ſalvari. Reſp. Aut illi aliū vindicem habuerunt, aut plane Redemptore caruerunt. Non prius, quia tum foret in alio ſalus, neque poſterius, quia Jobus aſſerit, ſe noſſe Vindicem & Redemptorem ſuum, & per hunc ſe redemptum iri, per hunc à morte ad vitam, à pulvere ad videndum Deum ſe vendicandum ſperat.

§. 4. Aben Eſra Goelem Jobi dicit hominem qvendam vulgarem & ſimplicem eſſe, qui cauſa non ſit iniquus, ſed benigne de ipſa judicet. Reſp. (α) Talis extenuatio vocis לָנָא contrariatur Spiritui S. in ſcripturis loquenti, ut & mēti Jobæ. Non enim verba divina ita debent explicari, ut minus ſit in ſenſu qvam in ſono. (β) Redemptor eſt Chriſtus, qvōd copioſis verbis ex textu hæcenus eſt demonſtratum.

§. 3. *Palmaria ex oppugnantium objectionibus hæc est, quando dicunt, DEUM Patrem dici Redemptorem, 2. Sam. 7. 23. Es. 60. 61. Resp. (1) neg. Conseq. Pater alibi dicitur Redemptor. E. etiam in hoc loco. A particulari enim ad universale velle concludere est prode ignorantiæ in Logicis. Eodem enim modo (quod instantiæ loco adduco) A. 7. 35. Mosis tribuitur nomen Redemptoris, neque tamen statim inde sequitur Hiobum de ipso hic sermonem instituisse. (2) in locis citatis agitur de Filio Dei. In antiquo enim fœdere Messias etiam fuit caput & Protector ecclesiæ, eamque ex calamitatibus corporalibus & spiritualibus vendicavit. Sic. 2. Sam. 7. dicitur, quod liberata & reducta sit gens Israelitica ex dura captivitate Ægyptiaca. Illa vero redemptio &eductio hæud obscure adscribitur angelo Domini, qui de medio rubi ardentis vocavit Mo-
sen Ex. 3. 4. & sine dubio non creatus angelus sed verus Deus fuit, quod ita demonstro: Quic de medio rubi ardentis vocavit Mo-
sen, is est verus Deus. Atq. Angelus Domini. E. Connexio majoris firma fiet. Talia etenim de illo dicuntur in textu, quæ angelo creato nunquam competunt. Vocatur enim Jehova & Elohim v. 14. 15. quæ sunt nomina Dei propria & peculiariora. Talia quoque; effata & attributa ei adscribuntur, quæ non nisi vero DEO competunt, utpote quod viderit afflictionem Israelitarum v. 7. audierit clamorem v. 9. Polliceretur se eos educturum servitute v. 7. Mittit Mo-
sen ad Pharaonem vers. 10. Addatur Ex. 14. 19. & 20. ubi mentio fit angeli faciei Jehovæ, utpote qui, cum Israelitas duceret, visus sit interdum in columna nubis, nocte in columna ignis. Cui igitur scire interest, num ille angelus fuerit creatus an increatus, conferat hæud gravatim Exod. 31. 21. & 22. ubi hæc actio ipsi Jehovæ tribuitur. Unde liceat cum Exc. Dn. Havemanno l. c. ita argumentari: Qui præcessit Israelem in columna nubis & ignis, est Jehova. Atq. Angelus faciei Jehovæ. E. Ubi probè observandum Angelum faciei esse distinctam à Patre personam, ipsum scilicet Christum, cui soli opus Redemptionis, ejusque executio per peculiarem appropriationem competit. Ex liberalitate quidem possumus adversariis largiri, Deum Patrem posse dici Redemptorem, sed tantum ob communitatem operis, quatenus redemptio est opus ad extra & ita tribus deitatis personis commune, interim tamen ordo aliquis servari debet hic, sicut in aliis externis opera-*

operationibus fieri consuevit. Ac præterea terminus operis efflagi-
tat, ut soli Filio proprie redemptio tribuatur. Hinc (γ) ex Esa. 60. ultro
colligitur, cum de resurrectione & salvatione ibi agatur, Christum
indigitari, utpote qui cum suo merito fundamentum est cujusvis
liberationis.

Probl. III.

*An essentiam divinam electi in altera vita sint conspe-
cturi oculis corporeis?*

§. 1. Negant id simpliciter quidam Patres, Gregor. l. 18. mor. 36.
Epiphanius hæ. 70. ut & plerique Scholastici & Jesuitæ, Valentia,
t. 1. disp. 1. q. 12. puncto 8. Suarez. disp. 30. Sect. 11. n. 2. Thomas P. 1. q. 12.
art. 3. implicat, inquit, *contradictionem, Deum videri oculo corporeo*. E. ne
quidem absoluta DEI potentia fieri potest. Succenturiantur his
quidam ex Calvinianis. Quibus accedit D. Calixtus Concord. Evan-
gel. l. 2. c. 1. & imprimis tract. de Bono perfecte summo ab initio sta-
tim. Hujus anteambulonis vestigia premit. D. Hildebrand. in Col-
leg. priv. contr. v. X.

§. 2. Ut facies hominum ita & Sententiæ manebunt diver-
sæ, hinc circa præsentem quæstionem nostrates duo constituunt
cornua. Qui in primo agmine sunt, si de certitudine visionis
corporalis, & non de possibilitate sermo sit, dicunt: Non liquet,
Amplio. Augustinus l. 22. de C. D. c. 19. & in Epist. ad Paulinam, in
dubio relinquit, nihilque hic determinat. Quam sententiam am-
pletitur. B. D. Gerhard. l. c. D. Lyserus p. m. in notis ad summar.
n. 29. D. Dorschæus l. 2. in consideratione Titulor. Dei ex 1. Tim. 6.
§. 32. cæterique nostri Theologi media incedentes via. Non esse
illud pertinaciter negandum, cum elevare possit DEUS
beatorum oculos, ut ipsam DEI essentiam videant, quia ob ratio-
nes physicas ex natura petitas infinita DEI potentia limitari &
coarctari nequeat. DEUS enim potest plura præstare, quam
nos intelligimus. Et si potest salva infinitate elevare intelle-
ctum ad intuitivam sui cognitionem, fitique etiam glorifica-
tum oculum salva invisibilitate sua elevare potest ad cla-
ram sui visionem. DEUS enim increatus & infinitus non minus

infinite distat à creato & finito intellectu, quam ab oculo corporeo Deus incorporeus. Neque tamen præcisè defendendum esse, aut morose & odiose urgendum corporeis oculis Dei essentiam visam iri, cum Scriptura modum visionis (num sc. mentalis, num corporalis futurus) non definiat, quamvis Deum à beatis conspiciendum, asserat. Unde B. Dorschaus l. c. An beati in vita æterna oculis etiam corporeis visuri sint essentiam Dei, ipsa vita æterna docebit. Qui in altero agmine stant, simpliciter visionem beatam suspendunt à visu corporeo, existimantes temeritatem esse, si à manifestis Scripturæ testimoniis quis recedat, quorum choragus est Chytreus in lib. de morte & vita, & Cramerus in tract. de Sublimi corporum glorificatorum mysterio.

§. 3. Hi posteriores inunctis, necesse sit oculis, in quiunt, qui non videat Jobum cap. 19. agere de visione corporali. Adjungunt 1. Joh. 3. 2. Matth. 5. 7. (G) Urgent oppositionem, quod scilicet corporalis visio opponatur visioni fidei seu mentis atque dicatur fieri, *πρόσσωπον πρὸς πρόσωπον* à facie ad faciem. 1. Cor. 13. 12. [γ] Provocant ad donum glorificationis, quia visus noster objecto videndo per statum gloriæ certo modo proportionetur. Hinc citant dicta Ps. 17. 15. Ego in justitia videbo faciem. Oculi enim nostri erūt Spirituales 1. Cor. 15. 44. & corpora nostra conformabuntur glorioso corpori Christi Ph. 3. 21. *καὶ πῶς* autem, non *καὶ πῶς*. Non nescio quidem adversam partem hæc dicta allata arrodere, & vulgo interpretari de interiori mentis speculatione, non de externa oculorum inspectione, ast hac ratione magna sanè pars, credas mihi, futuræ nostræ felicitatis tolleretur.

§. 4. Rationes pro negativa militant potissimum sequentes (α) Neminem posse videre Deum Ex. 33. 20. 1. Joh. 1. 18. Resp. (a) Loqui Deum de visione in hac vita. Additur enim & vivet. (b) dist. inter hominem mortalem; & glorificatum. De his dicit Christus fore ut videant gloriam suam, Joh. 17. 24. (β) Deum esse Spiritum, Joh. 4. 24. Nullum verò Spiritum cadere sub sensum corporis, nec consequenter sub visum. Resp. dist. inter sensum corporis in statu naturali. & glorioso consideratum. Priori modo Deus visibilis non est contra Anthropomorphitas & Arrianos. Deus enim est incorporeus, potentia autem visiva est corporea & materialis. (γ) Nullam esse pro-

se proportionem inter oculum nostrum & essentiam divinam Resp. Quando electi sine offensione perspicue in vita futura Deum erunt adspecturi, non habebunt hoc ex se & proprietate naturæ suæ, sed ex dono glorificationis, cujus beneficio visus noster certo modo proportionatur objecto videndo. (d) Omne visibile objectum est terminatum. Deus non est terminatus. E. Resp. Dist. inter visionis modum communem seu vulgarem: & supernaturalem seu gloriosum. Futura Dei visio pender ab ipsius gloriosa dispensatione, quæ longè diversa est à communi rerum naturalium statu. Non enim adhuc oculus vidit, nec auris audivit, nec in cor hominis ascendit. Oculus non vidit, quia nec lux est nec color, auris non audivit, quia sonus non est, neque in cor nostrum ascendit, quia cor nostrum illud ascendat, oportet.

§. 5. Cum autem hoc problema fundamentum fidei non concernat neque attingat, potest quis illam, quæ sibi verisimilior & probabilior videtur, assumere sententiam. Interim hanc sibi reservet, cautelam velim:

Medio tutissimus ibis.

CLASSIS III. CASUISTICA.

An mortui prorsus iidem, qui ante erant, eadem numero & specie anima, eodemque corpore, eademque statura sint resurrecturi?

§. 1. Pro affirmanda sententia plurimos possemus conglomerare rationes, at in hoc genere familiam ducit illa, quam ex Hiobi, quæ habentur c. 19. 25. & c. 35. 21. verbis elicim⁹. Ille enim id. numero corpus & quidem cute, carne & ossibus suis vestitum materiam resurrectionis fore clare asserit. Argumentum in forma foret tale: Quicquid hac sua pelle circumdari & in hac carne sua Deum visum iri credit, ille ipse profecto carnem & sanguinem habebit, idemque numero resurget. Atq. Jobus E.

§. 2. Secundam rationem suppeditat vocabulum resurrectionis, quæ Syr. ~~ܢܚܝܝܐ~~ consolatio nuncupatur, quia ea summum hominibus affert solatium. Hinc etiam in Thalmud. & apud alios Ebræos dies resurrectionis vocatur dies consolationis. Idiomate Græco

Græco appellatur ἀνάστασις & est compositum ex ἀνά rursus, ἵε-
 rum, & ἵστασι. Sto. Resurrectio igitur hoc pacto esset reiterata quasi
 statio, ejus quod interiiit. Vid. B.D. Dietericus Institut. Catech. p.m.
 502. Eadem ferme verba leguntur apud Damasc. l.4. de fide Orthod.
 cap. 28. Ἀνάστασις αὐτοῦ, ἵε, δευτέρα τῆς πρῆτης ἀνάστασις. Ambrosius
 quoque cap. 19. De fide resurrexerit. nativam vim istius vocis exprimit,
 dicens: Hæc est resurrectio, sicut verbi ipsius sonus exprimitur, ut,
 quod cecidit, resurgat, quod mortuum fuerit, reviviscat. Resurre-
 ctio igitur non est nova novi corporis creatio, sed antiqui & mor-
 tui in vitam revocatio. Proinde idem corpus quod per mortem
 cecidit, resurget. Et hinc est, quod non tantum Jobus adhibeat par-
 ticulam δὲ ἐν τῇ σάρτει μου, in hac carne mea & his oculis meis, sed etiam S. Paulus
 idem præstet. 1. Cor. 15. 42. & 53. ubi Pronomen τὸ τὸ bis repetitur, τὸ
 φθαρτὸν τὸ corruptibile hoc debet induere incorruptionem, &
 τὸ θνητὸν τὸ mortale debet induere immortalitatem.
 Quodcumque igitur fuit subjectum mortalitatis, idem etiam debet
 esse subjectum immortalitatis. Atqui hoc corpus ex carne & san-
 guine constans. E.

§.3. Tertiam rationem insinuat resurrectio Christi, quæ nostræ
 est exemplar. Uti enim is idem corpus, quod in hoc arumnarum
 valle gestavit, recepit, eademque carne resurrexit, Johan. 2. 19. Luc.
 24. 39. similiter & nos eadem corpora nostra recepturos credimus.
 Membra enim sequuntur conditionem sui capitis.

§.4. Argumentum quartum desumimus ex Ps. 34. 21. Custodit
 Deus omnia ossa Sanctorum. Cur? Nullum sanè alium ob finem
 quam ut in universali resurrectione compingantur, ne unum ex
 illis desiderari queat.

§.5. Quinto stabilitur nostra opinio justitia Dei præcipiente, ut
 quilibet in corpore recipiat, quæ per corpus egit, teste Apostolo
 2. Cor. 5. 10. Unde necessario sequitur quemlibet in proprio corpo-
 re resurrecturum. Notatu dignum etiam est illud Ambrosii c. 19. de
 Resurrect. fide. Hæc est series & causa justitiæ, ut, quoniam corpo-
 ris, animique communis est actus, quæ animus cogitavit, corpus ef-
 fecit, utrumque in judicium veniat, utrumque aut panæ dedatur
 aut gloriæ reserverur.

§.6. Sym-

§. 6. Symbola Ecclesiæ sexto pro nostra sententia citari posse nullus dubito. Sic Apostolorum symb. dicit: Credo resurrectionem carnis. Ecclesiæ Africanæ, ut testatur Cyprianus, hunc articulum solitæ sunt ita proponere: Credo resurrectionem hujus carnis. Quid? quod Athanasianum symbolum, si penitius atq; intentius inspicimus; idem subsequētib; adstruat verbis: Ad cujus adventum omnes homines resurgere habent cum corporibus suis.

§. 7. Nec parum juvat nos in puncto hoc controverso consensus Patristicus. Nam Hieron. Ep. 61. scribit: Fidem Ecclesiæ apertissime confitebor: Resurrectionis veritas catholica sine carne & ossibus, sine sanguine & membris intelligi non potest. Hisce adjungimus verba Athanasii de vita Antonii: Confido in Domino, quia necessario resurrectionis tempore Hoc corpusculum resurget incorruptum.

§. 8. Ut vero in enucleatione hujus quæstionis fidere velicemur dexteriori circa statum controversiæ prænotari volumus nos non quærere de identitate quoad vitiosas circumstantias, sed quoad ipsam substantiam, quæ resurgere debet. Huc spectant verba, Tertull. de resurrect. carnis cap. 11. Cujuscunque membri detruncatio vel obtusio, nonne est mors membri? Si universalis mors resurrectione rescinditur, quid partialis? Si demutatur in gloriam, quanto magis in incolumitatem. Monoculus igitur cum uno oculo resurgere non debet.

§. 9. Observandum tamen præterea & hoc est, quod August. in Enchir. ad Laurent. c. 88. discrimen faciat inter corpora damnatorum & salvandorum. De illis non vult disputare, an cum defæcatura sint resurrecturi. Verba ipsa lubet huc transcribere: Utrum, inquit, damnati cum vitiis & deformitatibus corporum suorum resurgent, quæcunque in eis gestarunt, inquirendo laborare, quid opus est? Non enim fatigare nos debet incerta eorum habitudo vel pulchritudo, quorum erit certa & sempiterna damnatio.

§. 10. Hic multa & magna se offert contradicentium cohors & in contrariam sententiam discedunt Ethnici & Turcæ, qui nullum fidei articulum vehementius oppugnarunt, quam hunc, teste Eusebio l. 5. Hist. Eccl. c. 1. Minutius Felix in Octavio refert de Cæcilio, quod articulum de resurrectione fabulam anilem dixerit.

Taxamus igitur merito Hug. Grotium, quod L. 2.6.7. de V.R. disputarit Gentiles credere potuisse, homines posse resurgere. Vid. de Gentilium sententia Augustinus in Ps. 88. Serm. 2.

§. 11. Ex Christianis Origenes doctrinam de carnis resurrectione, quæ fieri debebat capillis, pectore & ventre in totum reject. Vid. Epiph. hæc. 64. Eundem errorem erravit quoque Joh. Hierosolymitanus, qui fuit successor Cyrilli Hierosolymitani, hacque sua opinione in plurimis Ecclesiis turbas periculosas excitavit, & Anno 3390. cum Hieronymo & Epiphanio contentionis scissuram recipere incepit. Quapropter etiam ab Hieronymo in Epist. ad Pammach. quæst. 41. ita loquens introducit: Nunc oculis videmus, auribus audimus manibus, agimus, pedibus ambulamus, in illo spiritali autem cor pore toti videbimus, toti audiemus, toti operabimur, toti ambulabimus. Errorem autem hunc ibi reprehendit, annotans simul ipsum nimium tribuisse & fuisse partibus Origenis. De hac Syrraxi conf. Magnif. Dn. D. Præsidis dictata. Historica Ecclesiast. Sec. IV. cap. 4.

§. 12. Sociniani contendunt itidem non eadem illa corpora resurrectura, quæ in hoc mundi ergastulo circumferimus, sed alia nobis suppeditanda, quoad substantiam scilicet spiritualia & cælestia. Vid. instit. Ostorodi cap. 41. pag. 389. Smalcus contra Franzium, pag. 407. it. contra Smiglecius pag. 131. ubi inquit: Totus homo erit spiritus in Christi adventu & spiritus vivificans. Simile docet in Exam. 100. error. pag. 56. Catech. Racov. pag. 1064. Volkelius lib. 3. de V.R. cap. 35. Crellius in Comment. 1. Cor. 15. Vorstius de Deo pag. 20.

§. 13. Non obscure videntur favere huic sententiæ Arminiani. Nolunt enim damnare Socinianos, utpote cum res de resurrectione adhuc dubia sit. Aliquanto clarius autem mentem suam exprimunt in Responsion. ad Excerpta Leidens. dicentes, DEUM in altera vita hanc litem esse sublaturum. Confer, si placet, Apologiam Arminianam, pagin. 109. item cap. 19. pag. 217.

§. 14. Patrocinantur superioribus Anabaptistæ, qui ludunt in denominatione corporis glorificati, statuentes, quod homines in corporibus glorificatis resurgere debeant, ast propriis qualitatibus cari-

carituris. Inspiciatur saltem, cui volupe est, Colloq. Fränckenthal. Action. 29. m. 7. Legitur ibidem Anabapt. interlocutorem, qui erat tunc temporis Theobaldus, dixisse: Ut populum doceamus fore, ut resurgant mortui cum suis manibus, pedibus, pelle, carne & ossibus, id non committimus, ita illos non docemus. Vid. Cloppenburg. Gangræna Anabapt. p. 228.

S. 15. Weigelianos non immerito illis accensemus. Illi enim distinctionem excogitarunt inter damnandos & salvandos. Horum corpora sperant substantia spiritali resurrectione, sed illorum prorsus interitura esse sibi (licet falso) persuasum habent. Vid. Weigel. P. 2. Post. p. 15.

S. 16. Neq; Pontificios, licet Socinianorum, errorem culpent, ab eo prorsus immunes absolvimus propter suas, quas fovēt, hypothesēs. Primo enim negant diversitatem sexus in corporibus resurgendis. Cum quibus & Hugo Grotius facit ad Matthæi cap. 22. vers. 32. quando ita fatur: Non video quam certis nitantur rationibus, quod quidam volunt etiam in futuro seculo manifestum fore sexuum discrimen. Videri enim potest, id discrimen pars esse τῆς αἰωνείας. Alii Scholastici imprimis dicunt l. 2. sent. dist. 20. Omnes homines resurrecturos esse in genere masculino. Sed Scotus & ejus Affectus in l. d. Lombardi negant quoq; feminas in proprio sexu resurrectiones esse, excepta tantum B. Virgine Maria, & ideo, quia ecclesia adhibeat hanc formulam: Sancta Maria, non autem sancte. Alias enim Ecclesia Grammaticè errasset. Verum erroneam opinionem esse liquido constat. Idem enim numero corpus resurget ut probatū est scripturæ dictis. E. etiam in eodem sexu resurget. Negant quidem Hieronymus, Basilus & Athanasius sexuum diversitatem, sed negant eam fore quoad usum, non quoad substantiam. Deinde quoq; Papicolas asserunt Mariam cum corpore suo ascendisse in cœlum instar Christi. Sed dispereant cum suis nugis & ineptiis. Refutavit Scotum Georg. Steng. de monstris.

S. 17. Non possum etiam me continere, quin aliquid dicam de impudentissima calumnia, quam Calviniani nobis affricare student, clamitantes, quod Lutherani cum Joh. Hierosolymit. idem erroris jugum trahant. Sed ratio, cur nos ita accusent, est, quod in quibusdam attributis ab iis digressum facimus. Vid. Paræus in Comment. 1. Cor. 15. F 2 S. 18.

§. 18. Tandem quoque graviter circa præsentem quaestionem lapsus est Augustinus, qui omnes resurrecturos esse quasi Annorum XXXIV. in perfecta scilicet statura existimat. Verum enim verò solide refutari potest inde, quod hac ratione quidam resurgerent, majores, quidam minores, quam antea fuerant. Et sic non resurgeret, quod cecidisset. Deinde hæc opinio diametraliter opponitur Apocalypsi Johannis, ubi legitur pueros in statura sua resurrecturos. Vidit enim Johannes magnos & parvos coram Judice comparantes.

§. 19. Cum igitur jam satis superque exploratam habeamus adversariorum mentem, restat unice, ut etiam potissima eorum argumenta luci exponamus & sub examinis incudem revocemus. Opponunt autem corpora nostra fore pneumatica & homines Isangelos. Angeli autem, cum spiritus sint, ossa non habent 1. Cor. 15. Luc. 20. Resp. (a) dist. inter Spiritum: & spirituale. Hoc latius patet & ad proprietates Spiritus pertinet. (b) inter esse angelum, & esse Isangelum. Simile non est idem. Illa spiritualitas corporum, non erit de substantia sed qualitatibus intelligenda. Hinc Hieronym. in epist. ad Pammach. Similitudo ad angelos non hominum in angelos demutatio, sed profectus est immortalitatis & gloriæ.

§. 20. Citant pro se dictum 1. Cor. 6. 13. Resp. dist. inter substantiam humani corporis: & statum ejus animale. Destruet quidem Deus ventrem non quoad ipsa organa sed quoad usum eorum animale, quæ minus homo cibo & potu indigeat ac generationi ac corruptioni obnoxius sit.

§. 21. Urgent 1. Cor. 15. 50. Resp. dist. inter carnem & sanguinem substantialiter consideratum: & inter carnales affectus. Corpora demortuorum non resurgent, neque videbunt regnum cælorum cum affectibus carnalibus.

§. 22. Comparationem instituere solent ex 1. Cor. 15. 37. seqq. hoc modo: uti se habet granum ad spicam & semen ad fructum, ita se habet funus defuncti ad corpus gloriosum. Nunc autem spica non est eadem numero cum grano, neque fructus idem numero cum semine. E. seqvitur Apostolus Paulum non inculcasse neque credidisse numericam resurgentium identitatem. Resp. a) Similitudo non est omnimoda identitas, proindeque non ultra tertium extendenda. Sco-

977
pus enim Apostoli fuit, ut doceret veram carnem, licet alio modo, resurrecturam. Collatio consistit in vicissitudine sementis & messis, nec non in distinctione status & qualitatū. 1. Corinth. 15. 42. (ε) Granum non differt quoad specificam naturam à suo fructu. E. nec corpora demortua & resuscitata specie differunt. (γ) Similitudine hac tantum evincitur, quod altera, non alia corpora resurgere debeant. (δ) Eadem hæc similitudo corporis Christi cum grano proponitur Johan. 12. 24. Jam autem adversarii lubenti animo largiuntur Christi corpus idem numero & specie surrexisse. Tantum E. abest, ut hac comparatione contra nos quid obtineant, quin potius proprio se jugulent gladio.

§. 23. Patrocinium atque latibulum quarunt in dicto illo 2. Pet. 1. 4. ubi dicitur, quod debeamus divinæ naturæ consortes fieri. Resp. (α) Indicatur resurrectio prima, non secunda (ε) subscribimus in tantum, in quantum non de quidditate sed de qualitate exponitur. (γ) Dist. inter transformationem naturæ humanæ in divinam : & participationem donorum. (δ) inter *ἀποθνήσκειν* seu deificationem. & *ἀναναίωσιν* seu renovationem. De posterioribus membris res est expedita, sed priora prorsus à nobis removemus.

§. 24. Dantur, inquit, Anthropophagi. Non E. potest fieri, ut homines quoad idem corpus numerice resurgant. Illi enim, qui ab alio sunt devorati, in substantiam carnis alterius sunt, transmutati. Resp. (α) Non licet omnia circumstantialia resurrectionis metiri rationis decempeđa, sed melius illa ignoramus. (ε) non neganda omnipotentia Dei. (γ) ex August. 1. 12. de C. D. cap. 20. dicimus quod debeat in resurrectione caro reddi isti homini, in quo esse coepit. Nam in altero homine tantum mutuo fuit.

§. 25. Arminiani ogganiunt litem illam, num corpus humanum sit pars hominis essentialis, num verò saltem instrumentum animæ, nondum esse decisam, sed hæreere adhuc num sub iudice. Quod si igitur erit instrumentum, ne utique resurget. Resp. (α) Per illud dubium Philosophicum non tollitur fides in Scripturis proposita, utpote quæ dicit corpus resurrecturum esse, siue pars

fit five instrumentum erit perinde (β) Opponuntur non opponenda. Potest enim quid esse pars essentialis & tamen etiam ejusdem instrumentum. Sic manus hominis dicitur pars & instrumentum corporis (γ) in Philosophia jam satis est demonstratum corpus humanum esse partem hominis essentialem. In primæva enim Creatione ad hominis constitutionem spectavit. (δ) sequeretur, si corpus non esset pars essentialis, animam posse hominem appellari, quod tamen est absonum & absurdum.

§. 26. Occurrunt Anabaptistæ distinguendo inter ipsam resurrectionem simplicem: & inter glorificationem resurrectioni annexam. Huic non illi molem corpoream membrorum repugnare arbitrantur. Unde quoque Christum in glorificatione membra deposuisse docent. At nos aliter edocti, Respondemus illam distinctionem esse futilem & futilem. Etenim (α) quod semel assumpsit, nunquam deposuit. Jam humanam naturam. E. (β) Reditus Christi promittitur in iisdem membris Apoc. 1.7. Qui igitur deposuisse ea potest?

§. 27. Schegkii in Antifimonia sect. 9. pag. 410. 440. identitatem resurrecturi non in humani corporis materia, sed tantum in ejus forma ponit, animam esse extitutam, atque adeo idem numero homo propter formam h. e. animam resurrecturus dicatur. Verum Resp. (α) Concessa identitate hominis resurrecturi, etiam concedenda est identitas corporis, quia partes essentielles sunt anima & corpus. (β) anima sola non est homo, sed corpori unita. (γ) mutatio proprietatum non infert mutationem ipsius subiecti & abolitionem sed alterationem. Subiectum enim unum diversa potest recipere accidentia. Et quod materiam corporibus denegat (α) infomnium sine somno statuit juxta Scalig. exerc. 359 Sect. 11. (β) diversa specie (materialia & immaterialia) confundit entia. (c) non distinguit inter materiam ipsam, quæ manebit essentia: inter qualitatem ejus, corruptibilitatem, quæ abolebitur. Vid. B. D. Balch. Meisnerus P. 1. Philos. Sobr. Sect. 3. pag. 380. seqq.

§. 28. Cætera, si quæ sunt, adversariorum *avrtmaw* reservamus publico conflictui & ita tribus nostris sectionibus pertractatis hic pedem figimus, donec tres aliæ, ut Moralistica, Ascetica & Paracletica (quæ quidem non tam ad Cathedram Academicam quam Eccle-

Ecclesiasticam spectant) opportuno tempore sequantur. Vale,
 quisquis legis, nec seculi more & scribendi titillatione, sed magno-
 rum Virorum monitu me exigua hanc operam consarcinasse, ex-
 istima, nec dubita quin operas, si Deus vitam & vires indulserit, ma-
 jores & meliores sis visurus; interim præcidaneam hanc fronte ac-
 cipito porrecta & studiis nostris in posterum favere pergit. Quod
 superest ad eum, à quo initium laboris nostri fecimus, nos iterum
 convertimus, instituentes pro auxilii divini clementissimæ adsi-
 stentia & donorum concessione sanctam hanc doxologiam:

Tibi Patri laus, unico
 Honor sit atque Filio,
 Sit Flaminiqve gloria
 In sempiterna secula!

T. E. A. O. S.

CLARE, fidem Jobi confirmas, posse redire
 Ex tumulis cunctos, impia turba negat.
 Nempe GOEL primus perfregit vincla sepulchri,
 Exemplo ut possit surgere quisque suo.

*Clarissimo ac Per-Eximio Dn. Respondenti, Ami-
 co & Commensali suo suavisimo de egregio eru-
 ditionis specimine gratulaturus paucula
 hac deproper.*

M. HENRICUS Bröckelmann
 Dortmunda- Westph.,

Ad

76
Pra-Exim
DN. M. CHRISTOPH.
Doct& hujus Dis

Ecce Redemptorem Chr
Et nisu proprio, *sua*
Gratulor his ausis: tua fac
Sic Patriæ atqve Tui

So recht/ So werther Fr
Wenn man zu jederzeit
Der Eltern sauren E
Wenn man sich fleißig

Weil er auch/ werther Freund
So hat Er auch hierdurch die Eh
Belobter Wissenschaft/ er
Wie er das alte Lob sehr ru
In seiner flugen Schrift von Hi
Ich wünsche Glück darzu/ so hat
Und wird in guter Zeit das
Ich wünsche noch einmahl:

FRAN



Ad
re-Exim. atque Clariss.
TOPH. HENRICUM RUPERTI
hujus Disputationis Autorem.

em Christum scis vivere nostrum,
io, *sua vis Amice*, doces.
tua facta secundet Iova!
que Tuis gaudia magna paras.

* * *
erther Freund/ so steigt man Himmel an/
jederzeit zum besten wendet an/
sauren Schweiß/ die edle Zeit der Jugend
in sich fleißig übt/ und tracht nach Kunst und
Tugend.

r Freund/ genommen dis in acht/
rch die Ehr davon gebracht
schafft/ er läßt noch ferner hören/
ob sehr rühmlich woll vermehren
ist von Hiobs schönen Spruch/
zu/ so hat er schon genug/
Zeit das Vaterland erfreuen.
einmahl: GOTT gebe sein Gedenken.

Alludebat ita
FRANCISCUS ENDERLINUS,
Lindaviensis Acronianus,

